

A. Gr. a.

1006

A. gr. a. 1006

(Hesiod)
Nesters

7.04
DE HESIODIA
SCUTI HERCULIS DESCRIPTIONE.

COMMENTATIO PHILOLOGICA.

SCRIPSIT

ET

**SUMMORUM IN PHILOSOPHIA HONORUM
AUCTORITATE AMPLISSIMI PHILOSOPHORUM ORDINIS
IN UNIVERSITATE FRIDERICIA GUILIELMIA RHENANA
RITE OBTINENDORUM GRATIA**

UNA CUM SENTENTIIS CONTROVERSIS

DIE XXVIII. MENSIS IULII A. MDCCCCLVIII

PUBLICAE DEFENDET

HERMANNUS DEITERS

BONNENSIS.

ADVERSARIORUM PARTES SUSCIPIENT:

AUGUSTUS REIFFERSCHEID, SEMIN. REG. PHILOL. NUPEB SENIOR.

EUGENIUS PETERSEN, SEMIN. PHILOL. SOD. ORD.

GUILIELMUS GERMAR, SEMIN. PHILOL. SOD. ORD.

BONNAE

FORMIS CAROLI GEORGII.

MDCCCCLVIII.

1871


1871

1871

1871

1871

1871



1871

1871

1871

1871

1871

1871

1871

OTTONI IAHNIO

PIETATIS CAUSA

OTTO IZNAI

ALVARO PEREZ

De Hesiodia scuti Herculis descriptione disputaturo mihi paucis praefandum videtur de toto hoc artis opera describendi more, qua ratione veteres poetae in eo versati sint. Quorum quidem descriptiones si accuratius inter se comparantur, duo maxime in eis quae dicam describendi genera distingui posse videntur; eorum autem discrimen ita brevissime significari ut aut rerum imagines aut ipsae res descriptae esse dicantur. Quod quibus rebus cognoscatur exemplis clarum fiet. Sic primum Moschus carminis alterius, quod Europa inscribitur, versibus 43—62 aureum Europae calathum describit tribus imaginibus ad Ionis fata pertinentibus ornatum; quarum prima Io conspiciatur vaccae specie per mare fugiens, quam e litore homines contemplantur (44—49); altera rursus Io eadem forma apud Nili ripam a Iove tacta (50—54); tertia Mercurius ab eoque occisus Argus, e cuius sanguine pavo prodierit (51—61). Postremam imaginem ipse dicit in superiore parte ἐπὶ στεφάνῃν repraesentatam fuisse; reliquas duas totum calathum implevisse in duas areas divisum probabilis est Meinekii sententia. In ipsis autem imaginibus videmus poetam severe in eis describendis se continere quae revera conspiciantur, verbaque omnia ad unum illud temporis momentum quod repraesentatum sit dirigere. Deinde quo certius etiam imaginis cogitationem lectoris menti commendet, ipsa quibus singula enumerat verba ex artis ratione sumit, τετυγμένη ἦν v. 44, ἐτέτυκτο 47, ἤσκητο 56; materias quibus singulae figurae factae sint, accurate indicat, v. 44. 47. 53. 54; postremo verbis νηχομένη ἰκέλη 1 diserte imaginis ab ipsa re

1) Cf. de huiusmodi formulis bene monentem schol. Apoll. Rh. I. 749. ad verba μογέοντι ἰοικώς? „διὰ δὲ τοῦ ἰοικώς ἐκόλασε τὸν λόγον διὰ τὸ ἐν γραφῇ εἶναι. οὐ γὰρ ἀληθῶς ἐκακοπάθει ἐν τῇ γραφῇ.“

discrimen significat. Certam autem hanc et ipsius calathi ² et singularum imaginum formam, quam animo tenere manifestum est poetam, non ipsum sibi finxisse sed ab artis operibus quae vidisset sumpsisse ut credamus facile adducimur. Quod quidem eo mihi confirmari videtur quod scimus hanc fabulam uberrimam veteribus artificibus fingendi materiam praeuisse. Argi primum interfectionem cum saepissime repraesentatam habeamus ³, Moscheae prorsus fere convenientem gemmae vitreae imaginem publici iuris fecit Panofka ⁴; unde iure colligimus extitisse etiam imagines priorum Moscheorum similes. Nam in servatis quidem artis veteris monumentis Ionem fugientem nusquam ⁵, Ionis autem in Aegyptum adventum diverso modo fictum videmus in pulcherrima pictura Pompeiana ⁶. Argi autem occisionem cum eo potissimum modo describebat quo posteriore aetate repraesentari solebat ⁷, diverso illo a veterioris temporis more ⁸, clarius etiam prodit ipsorum artis operum se notitiam habuisse.

2) Obscuritas quaedam postremae imaginis depravatione orta est. Pavonis enim illis quomodo totus calathi margo circumdatur, vix nobis cogitaverimus. Versus autem 61 *χρυσίδον τάλανον περίκονε χεῖρα ταρσοῖς* cum non cohaereret cum superioribus, Hermannus post vs. 59 lacunam notavit unius versus, quo ipsum pavonis vocabulum prolatum fuisset et orationis coniunctio restitueretur; deinde pro *ταρσοῖς* restituendum censuit *πάρη* propter Theocriti verba I. 55. quae imitatus esset ille. Mihi Theocritum denub comparanti et offensionis quam supra proposui rationem habenti verisimilius esse visum est ante vs. 61 intercidisse versum, quo florum aliquid ornamentum commemoraverit poeta; quod quidem apte diceretur calathi marginem circumdare.

3) Monum. dell' Inst. II. 59. Vinet Revue arch. III. p. 309. Gerhard archaeol. Zeitg. 1847. 2. Tab. 2.

4) Panofka Argos Panopes (Berlin 1838) Tab. III. 1. Argum hic videmus in terram prostratum (*ἐκτείνυστο* Mosch. 56.), Mercurium harpen Argique caput manibus tenentem, pavonem in arbore sedentem, vaccam affugientem.

5) Gemmae imago quam huc pertinere sibi persuasit Panofka p. 18 (tab. I. 5) dubitari potest num quid mythici argumenti prae se ferat.

6) Raoul-Rochette choix de peintures pl. 17. Prorsus immerito alteri Moschi imagini Panofka comparavit gemmae imaginem argumenti diversissimi, p. 19 adn. 1. (tab. I. 7.)

7) Huc illud maxime pertinet quod pavonem consurrexisse scribit ex Argi vulnere; hoc enim veterioribus et poetis et artificibus ignotum erat.

8) Hic etiam illud fortasse consideratione dignum est quod his disertis

Hoc describendi genus paulo deflexum habemus apud Euripidem, qui Ionis fabulae vs. 1146 sq. imagines describit stragulis quibus tentorium texisse narratur Ion intextas. Atque ei quidem tegumini quo superior pars tegatur inesse dicitur coelum cum sideribus, sole occidente, nocte curru vecta, luna, denique aurora sidera persecuta. In lateribus representatae erant Graecorum cum barbaris pugnae, deinde venationes; in fronte Caerops cum filiabus. Convenit haec descriptio eo cum Moschea, quod imaginis ratio, quae in uno temporis momento illustrando consistit, severe observatur; differt eo, quod in singulis verbis nihil eorum invenitur, quibus Moschum vidimus ipsius artis rationem significare, sed ad narrationem quadammodo accedentem orationem (*ἤλαυνε, ἐπαλλεν, ἠκόντις* etc.). Hoc tamen non impedit quominus Euripidem quoque credamus tales imagines in Delphicis illis stragulis revera vidisse⁹⁾; nam harum quoque similes in ipsis artis monumentis conspicimus. Numina primum, quibus sidera significantur, personarum forma praedita saepissime representabantur¹⁰⁾, nec minus saepe pugnae et venationes¹¹⁾; in nonnullis operibus

verbis dicit Ionem vaccae speciem prae se ferre. Nam in Ionis forma representanda, prout tota fuerit vacca aut vero virgo vaccae cornibus praedita, temporum discrimen mihi statui posse videtur, quorum sane termini non prorsus certo possunt definiri. Antiquissima aetate vaccae species praevalerat, quod ex antiquissimis vasculis pictis videmus (Panofka I. 5. Revue arch. III. 310. Arch. Ztg. I. c., cf. Paus. III. 18. 7.); deinde per longum tempus altera illa forma sola obtinebat, quae in omnibus posterioris temporis vasculis pictis conspicitur (cf. Herod. II. 41); donec postremo inter utramque formam videntur fluctuare artifices. Nam in gemmarum imaginibus solam habemus vaccae formam (Panofka I. 7. II. 2. III. 1.)

9) Sic eiusdem fabulae vs. 190 sq. argumenta quae in templi illius fronte exsculpta erant Creusae familias describentes facit.

10) Gerhard, über die Lichtgottheiten auf Kunstdenkmälern. Berlin 1840. Notissima est solis imago quadriga vecti, cf. Welcker alte Denkm. III. p. 58 sq. tab. IX. Noctis certae imagines non supersunt, quam tamen saepius representatam esse constat (Paus. X. 39. 2. Hirt Bilderbuch p. 196). Coelus nunquam apud Graecos personae forma fictus est (Welcker gr. Götterl. I. p. 151.); et propter hanc causam et quia haud commode verba quibus commemoratur ille cum ceteris coniungi possunt (ubi praeterea verba *ἄστρα* et *αἰθήρ* infra repetuntur v. 1151. 1152) vs. 1147 mihi suspicius est.

11) Müller Handb. §. 426. 427. Pugnam ad Salamina significari, venationibus autem Herculis labores intellegendos esse Barnesius censuit.

videmus etiam Cecropem cum filiabus ¹². — Longius etiam a Moschea simplicitate recedit Catulli purpureae vestis descriptio carmini de Pelei Thetidisque nuptiis inserta, cui Ariadnae a Theseo relictæ imago fuerit intexta (vs. 50 sq.). Hic enim primum universa simul fabula illa narratur (vs. 76 sq.), tum vero tantum abest ut ipsis verbis artificii ratio significetur, ut ea quoque immisceantur quae cum ad cogitationem animique habitum pertineant (vs. 52 sq.) aut ad auditum potius spectent (vs. 261), sic in imagine expressa esse nequeant. Sed tamen haec omnia talia esse quae indicari saltem possint in imagine quisque concedet; omninoque videmus poetam imaginis cogitationem bene tenere et ad unum temporis momentum omnia dirigere, quo ad Ariadnam Thesei navem oculis persecutam „parte ex alia“ ¹³ Bacchus cum thiaso appropinquet; sedulo autem cavere, ne quae descriptionis sint, quae narrationis, inter se commisceantur (vs. 76. 124.). Hanc vero quam animo tenere eum manifestum est certam imaginis formam veris artis operibus deberi e monumentis posterioris maxime aetatis certissime cognosci licet, in quibus primum Ariadnam lacrimantibus oculis Theseum prosequentem saepius videmus ¹⁴, deinde non minus frequentem Bacchi cum thiaso ad dormientem Ariadnam accedentis imaginem ¹⁵, simillimam denique Catullianæ descriptioni picturam Pompeianam, in qua ad lacrimantem Ariadnam Bacchus cum Sileno duabusque Nymphis accedit ¹⁶. — Has igitur descriptiones specie quidem inter se diver-

12) Videmus eos in amphora pulcherrima (Nouv. Ann. de l'Inst. archéol. Vol. II. pl. XXII. XXIII.) in Orithyiae raptu praesentes, cf. Welcker alte Denkm. III. p. 145 sq. (adnot. 41). Eisdem in opere anaglypho Attico, Mus. Worsl. I. 9, conspicere sibi visus est Müllerus §. 387. 7; in quibus omnibus Cecrops humana figura repraesentatus est. Cecropem cum inferiore serpentis corporis parte, qualem Euripides describit, videtur praebere statua Attica Nouv. Ann. pl. 8. (Raoul-Roch. p. 313 sq.).

13) His enim verbis Romanorum poetas in descriptionibus videmus imaginis formam significare, Virg. Aen. I. 474. Sil. Ital. II. 426. Val. Flacc. I. 140.

14) O. Jahn archaeol. Beiträge p. 281 sq. Habemus hanc imaginem in statu (Leplat. 35. Gall. Giust. 142) et picturis (Antich. d'Ercol. II. 14. 15. Mus. Borb. VIII. 4).

15) Pausan. I. 20. 2. Jahn p. 287 sq. Raoul-Rochette choix de peintures pl. 3. p. 27 sq.

16) Raoul-Rochette choix d. p. pl. 6. p. 74.

sas eo secum convenire vidimus quod supra appellavimus imaginem rei, non ipsam rem describi; quod quidem inde plerumque fluxisse cognovimus, quod ab ipsis artis operibus materiam describendi sumpserint poetae. — Ceterum probe scio hoc non ut certam normam ubique adhibere licere, imo fieri etiam potuisse ut describendi materiam aut ipse sibi fingeret aliquis aut ab aliis poetis repeteret, huic autem severam illam describendi rationem ratiocinando sive imitando accommodaret; quamvis putem, ubi certam imaginem non teneat animo poeta, hoc certis ubique vestigiis facile inventum iri. Huius generis exemplum peto ex Apollonii Rhodii descriptione vestis Iasonis septem imaginibus ornatae (l. 721—767). Quarum quidem plerasque, sicut simpliciter et cum certa imaginis cogitatione describuntur, ita certis operibus originem debere facile intellegitur: nam Veneris primum imaginem (742—746) notissimae statucae duobus exemplaribus nobis servatae iam ab aliis observatum est respondere¹⁷; deinde Pelopis et Oenomai certamen (752—758) eadem qua ab Apollonio describitur ratione saepissime fictum esse e vasorum picturis operibusque anaglyphis satis luculenter cognoscimus¹⁸; denique et Apollinis Tityum interficientis (759—562) et Phrixi cum ariete loquentis (763—767) imagines cum describendi genere tum monumentorum comparatione intelleguntur ab artis operibus sumptae esse¹⁹. Quarta imago, qua Teleboarum cum Electryonis filiis pugna repraesentata dicitur, in artis reliquiis non reperitur; cuius argumentum ex Hesiodia eius rei commemoratione (sc. v. 17) sumptum esse puto, quem saepius imitatus est Apollonius et cui ipse tribuit illud de quo disputaturi sumus carmen.

17) Millingen anc. uned. monuments pl. 4—6. p. 6. Welcker alte Denkmäler Vol. I. p. 439. Statuam huius similem in Corinthio templo fuisse Pausanias testatur (II. 5. 1.).

18) Prorsus consimilem imaginem describit Philostratus I. 17., ubi Welckerus artis opera plura attulit. Et Hippodamiam quidem una cum Peleope in curru stantem semper in posterioris aetatis artificiiis videmus, in vasorum imaginibus (Monum. ined. II. 32. Gerhard Archemoros etc. 1838) et operibus anaglyphis (Ancient terracottas of the Brit. Mus. tab. 34); Oenomaum autem a curru iam decidentem in opere apud Guattanium monum. ined. 1783. tab. 3. pluribusque a Papaslioti (Arch. Zeitg. 1833. p. 55.) et Friedrichsio (eod. 1833. p. 81) publici iuris factis.

19) Apollo Tityum sagittis interficiens in vasorum picturis, Elite céramogr. II. pl. 55—57. Phrixi cum ariete, Paus. I. 24. 1. Vasculum apud Gerh. Phrixi d. Herold. 1842. Pictura Pomp., M. Borb. II. 19.

Atque in hac ipsa imagine poetam non certam artificii rationem tenere sed ad rem ipsam enarrandam quodammodo accedere videmus eo quod terram adspergi (*deïetro*) dicit occisorum sanguine. Quae cum ita sint, etiam priores duas imagines, Cyclopes Iovi tonitru fabricantes et Amphionem Zethumque Thebas condentes (730—741), quarum similes in artis operibus non inveniuntur, poetam arbitror ipsum e mythica historia sibi formasse.

Transeo ad alterum describendi genus, quo rem ipsam neglecta certae imaginis cogitatione describi supra significavi. Hoc autem luculentissime expressum extare in Homericæ scuti Achillis descriptione notum est; in qua primum quaecunque describuntur in temporis aliquo decursu posita sunt, deinde permulta adduntur quae ad causas rerum aut consilia spectant nec possunt arte exprimi. Sic ut uno exemplo defungar, in altera eius imagine (II. XVIII. 509—540) qua pugna de obsidenda urbe describitur, postquam inter duos exercitus non convenisset de foedere iungendo, alter alteri insidias parasse hostesque appropinquantem ex inopinato aggressus esse narratur; inde acerrimè pugnari coeptum. Eodem modo in ceteris imaginibus, quae sano pleraque simplicioris sunt argumenti, ipsas res quasi re vera acciderent enarrari videmus. Huius rei causam et rationem ut cognoscamus eorum meminerimus oportet quibus olim Lessingius²⁰ hunc describendi morem omnino ab artis poeticae propria natura alienum esse habendum demonstravit. Quod duplicem maxime ob causam ita esse exposuit; primum enim his descriptionibus historiarum progressus intermittitur; deinde ne potest quidem imaginis plena perspicuitas effici vel accuratissima descriptione. In hanc vituperationem cum omnes quas supra enumeravimus descriptiones incurrere facile appareat, Homericam tantum abesse ostendit Lessingius (p. 480. 485.) ut narrationem intermittat ut ipsa descriptione historia continetur; quae non sit perfecti operis sed operae quam in eo perficiendo Vulcanus impenderit; cum enim ut continuo fabricantem cogitemus, repetita formula *ἐν δὲ ποίησε, ἐν δ' ἐτίθει* in enumerandis singulis imaginibus effici. Eodem igitur modo (huc enim tetenderam) ipsa descriptionum argumenta non de perfectis imaginibus, sed de ipso deo mente sua eas concipiente et formante intellegenda sunt. Nam artificii, qui imaginem ex actionis alicuius decursu sumptam

20) Werke ed. Luchtmann Vol. V. p. 471 sq. Monach. b. u. 1850. 8vo.

fingere instituit, ipsa huius actionis perpetuitas clare animo obver-
 setur necesse est, priusquam ipsam perficiat itaque exornet ut ad-
 spicientes eam ipsi ratiocinando consilium eius assequamur. Duo-
 rum igitur negotiorum quae se apud artificem deinceps excipiunt
 prius illud Homerus describendum sibi sumpsit proferendis eis,
 quae artifex fingere instituisset; eis omnibus in incerto relictis quae
 ad perfectae imaginis formam pertinerent. Huic primum illud con-
 venit quod Homeri descriptio caret omnibus istis quibus ceteros vidi-
 mus certae imaginis formam indicare ²¹; tum vero quod pro certo
 affirmari potest Homerum non a veris monumentis argumenta sua
 petiisse, cum opera huius magnitudinis tam antiquo tempore nondum
 fingerentur. — Adnumerari potest huic generi etiam Theocritea
 poculi tribus imaginibus oruati descriptio (I. 32 sq.) in quarum
 prima mulierem a diversis partibus viri amore eius incensi sibi
 quisque verbis conciliare student, frustra illud quidem; nam illa

ὅκα μὲν τῆνον ποτιδέσκειται ἄνδρα γέλᾳσα
 ἄλλοκα δ' αὖ παρὶ τὸν ῥιπτεῖ νόον.

Videmus poetam certos unius imaginis fines negligere remque qua-
 lis in mente artificis fuerit enarrare. Similiter in reliquis duabus
 ea inserit quae arti non conveniunt (cf. vs. 43. 51). Quare Theo-
 critum quoque recte negamus artis opera secutum esse, id quod in
 postremis duabus imaginibus eo confirmatur quod eas imitatione
 expresserit alteram Hesiodi (scut. 207) alteram Homeri (II. XVIII.
 561 sq.).

De hoc igitur discrimine pro certo constare volui priusquam
 ad iudicium de Hesiodia illa omnium copiosissima scuti Herculis
 descriptione formandum accederem; id enim potissimum quod ne-
 glegeretur superioribus impedimento fuisse puto quominus in hac
 descriptione aut explicanda aut ad pristinam formam reducenda
 verum assequerentur. Inter eos autem, qui de hoc carmine aliquo
 modo bene meriti sint, primus omnium memoratu dignus est
 Schlichtegrollius ²². Is enim primum in singularum imagi-

21) Nonnulla quae huc pertinere videntur et propter hanc causam et
 aliorum gratia mihi suspecta sunt, quod hic persequi longum est; maxime huc
 pertinent vs. 516 — 519 et vs. 530. 540. Materia quod nonnunquam comme-
 moratur, nihil habet offensionis.

22) Ueber den Schild des Hercules nach der Beschreibung des Hesiodus,
 Gotha 1783. Nullius enim momenti sunt quibus olim Caylus (Abhandl. Vol.

num terminis accuratius quam antea factum erat definiendis laudabilem operam posuit; deinde singularum imaginum formam et rationes diligenter illustrare conatus est ea persuasionem ductus, poetam omnia quae describeret perspicue animo tenuisse, quod quidem non ubique simili modo valere cognoscemus; ubi tamen illud probe perspexit, plures earum cum artis antiquissimae operibus mirum in modum convenire, nonnullas autem ad Homeri imitationem esse compositas. Postremo exponit quomodo imagines in scuto distribuendae sibi videantur, formam scuti ovatam cogitandam esse credens; quod certe neque idoneis argumentis neque certis testimoniis adiutus sibi persuasit. Nam cum omnino rotunda clipeorum forma apud Graecos semper fuerit usitatissima, quam qui relinquere vellet hoc diserte indicare deberet ²³: tum maxime Homerus, a quo totam hanc armorum enumerationem sumpsit noster, rotundos tantum novit clipeos. Interpolationis suspicionem Schlichtegrollio fere nunquam in mentem venisse is iam reprehendit qui eius libelli censuram egit ²⁴. — In singulis plerisque cum Schlichtegrollio fecit Heinrichius ²⁵, qui tamen in universum eo ab illo dissentit, quod nusquam artificii normam ac legem censet adhibendam esse, sed omnia ex poeticae licentia descriptionis aestimanda. Quod ipsum de nonnullis imaginibus recte dici, in plurimis autem falsum esse infra apparebit. — Ad propriam autem descriptionis nostrae conditionem accuratius cognoscendam ut propius accedere-

II. p. 237) Lorrainii cuiusdam ineptissimam picturam illustravit; neque maioris habenda quae Heylerus carminis nostri versioni alicui vernaculae (Mannheim 1784) addidit. Verius tamen quam ipse Schlichtegrollius quique eum proxime secuti sunt olim Clericus iam iudicaverat ad vs. 148: „Non modo intoleranda est licentia poetae, quod multo plura poneret in clipeo quam poterant contineri; sed quod eum impleret *αὐτομάτως*, qualia multa postea occurrerent.“ Significare voluit ea quae cum imaginis natura pugnarent.

23) Fuchs de ratione quam veteres artifices — in clipeis imaginibus exornandis adhibuerint, Göttingen 1832. p. 3.

24) Neue Bibliothek der schönen Wissenschaften Tom. 38. p. 273 sq. Spurius habuerat Schlichtegrollius tantum vs. 156—160. 204. 299, quibus addidit censor ille vs. 151—153. 267—269. 296—300. Verum in his postremis iam Guletus offenderat.

25) Hesiodi scutum Herculis ed. Heinrich, Vratisl. 1802. cf. proll. p. 75. comm. p. 189.

tur opera factum est Welckeri ²⁶; qui cum in singulis imaginibus illustrandis quantopere pleraeque cum artis antiquae monumentis convenirent luculentius quam antea factum esset ostendisset, in universum tamen ita statuit neque totius scuti ordine quodam distributi neque ipsarum ubique imaginum certam formam animo tenuisse poetam; qui nonnulla eorum maxime quae ab Homero sumpta essent nimis breviter ac negligenter proferret, deinde fingeret etiam quae artis naturae prorsus obstarent. Propter ipsam autem in describendo obscuritatem cum duobus saltem locis posteriorum additamenta conspici putaret ²⁷, eam viam monstrasse videri potest quae ingredienda esset ut ad certam de hac descriptione sententiam perveniri posset. Quam quidem non sunt ingressi qui deinceps Hesiodi carmina ediderunt Dindorfius et Goettlingius; quorum ille uno saltem memorabili exemplo (v. 292 sq.) trium recensionum vestigia detexit; Goettlingius vero, cum in singulis fere nusquam offenderet, totam scuti descriptionem ab Alexandrino quodam poeta carmini insertam esse putavit propter mirum illud commentum quod vs. 217 de Perseo legitur; antea autem versum 318 continuo post vs. 140 lectum esse. Haec ita coniuncta esse non posse Hermannus ostendit Opusc. VI. p. 196; omninoque minus considerate Goettlingius primum ex uno loco de tota descriptione iudicium tulit, qui ipse potest subditicius esse, deinde Alexandrinis poetis ea tribuit quae quidem ab eis qui nobis noti sunt alienissima esse supra apparuit.

Primus Godofredus Hermannus ²⁸ certissimis argumentis pro indubitato habendum esse demonstravit, non posse hanc descriptionem ab uno poeta profectam esse. Nam cum illud fortasse ferri posset nimis magnam esse imaginum copiam, tamen quod sine certo ordine pleraque enumerata essent, quod, quae inter se essent simillima, coniuncta exhiberentur, quod integri versus aut versuum partes repetitae legerentur (v. 150 = 163, 147 = 236, 282 = 283 = 299, 277 = 284, 295 = 298 = 300) haec omnia intellexit coacervatam indicare plurium poetarum operam. Itaque in eo operam posuit ut pristinam descriptionis formam coniectando

²⁶) Zeitschrift für alte Kunst, Göttingen 1818. p. 573 sq.

²⁷) In belli numinum commemoratione vs. 154 sq. et in agriculturae descriptione vs. 286 sq.

²⁸) In censura editionis Goettlingianae, Opusc. VI. p. 204 sq.

assequeretur; diversarumque recensionum vestigia in singulis primum imaginibus persecutus undecim quas retineret imaginum quae inter se similes essent secernens, quae diversae apteque sibi invicem opponendae coniungens duas assecutus est quae ab initio extitissent integras scuti descriptiones quattuor utramque imaginibus consistentes, quibus accederet Oceanus postremae, draco, sive γόργας aut Perseus mediae imaginis loco. Harum alteram poetae menti non respondere Lehrsius ostendit; sed in singulis etiam imaginibus tractandis pleraque minus feliciter conatum esse Hermannum infra videbimus. Cuius rei causam eam esse existimo quod neque quae imitatione orta sint a ceteris distinxerit neque usquam de artis operibus comparandis cogitaverit. — Totam autem Hermannii operam inutiliter esse adhibitam efficere studuit Odofredus Muellerus, qui in commentatione de hac descriptione conscripta²⁹ ostendere conatus est omnia in ea prudenter esse instituta rectoque ordine procedere; proprium autem ei esse, quo a similibus distaret, quod cum antiquissimae artis operibus ubique conveniret. Quod quidem in omnibus imaginibus aequabiliter valere ne ipsi quidem contigit demonstrare, in plurimis autem iam superiorum opera patefactum erat. Exponit deinde Muellerus quomodo sibi imagines in scuto distribuendae videantur, idque tabula adiecta illustrat; ubi consilium aliquod poetae deprehendisse sibi visus est in duabus totius scuti partibus distinguendis consistens ea ratione, ut altera terrorem moventibus altera tranquillioris argumenti imaginibus impleta esset. Argumenta illa quibus Hermannus plurimum poetarum manum agnoscere ostenderat speciatim refutare prorsus indignatus est, eosque locos quibus hoc luculentissime efficitur silentio praeteriit. Attamen Muellerum, cuius operam maiore cum iure diceres haud ita multo cum fructu esse adhibitam, plurimi recentiorum secuti sunt³⁰; cum viam ab Hermanno munitam unus eo-

29) Archäologische Vindication des hesiodischen Herakles - Schildes, Kleine Schr. Vol. II. p. 615 sq.

30) Fatetur hoc Rankius, scut. Herc. p. 341; Lennepius deinde (ed. 1854) p. 32 sq. priorum sententiis non satis accurate pertractatis ipse Muellero assentitur. Maxime autem mirum est quod etiam post Lehrsium extiterint qui eius opera prorsus neglecta novas imaginum distribuendarum vias ingressi sint, Brunnius (Rhein. Mus. N. F. V. p. 342 sq.) et Overbeckius (Gesch. der griech. Plastik I. p. 53) qui fatetur adeo sibi nondum ad finem perductam videri quaestionem de carminis forma.

rum ingressus sit Lehrsius³¹. Is autem eo maximum in hac quaestione profecit solvenda, quod ex illa duarum partium distinctione, quarum altera ex ipsius poetae ingenio profecta esset (vs. 144—236) altera ad Homericæ scuti Achillis descriptionis imitationem expressa (237—317) argumentum cepit ad pristinam carminis formam restituendam. In his enim præter ipsum discrimen illud accedere cognovit quæ ostenderent eas non posse ab uno poeta profectas esse; primum miram quandam scribendi generis diversitatem, cum prioris seriei imagines simpliciter et perspicue describerentur, molestissime autem confertæ obscuræque essent ceteræ; deinde quod prioris partis singulæ imagines verbis ἐν δὲ et versus initio inciperent, id quod in altera parte prorsus omittitur (ἐνὶ δὲ 236 seu οἱ δὲ 237, παρὰ δὲ 270 in medio versu)³². Inter priores deinde imagines intellexit primam draconis (144—160) et secundam serpentum imaginem (161—167) alteram ad alterius imitationem expressam esse; reiecta igitur prima, quæ præterea molestis additamentis aucta esset, novem quas retinuit imaginibus serpentum (161—167) aprorum leonumque pugnae (168—177) Lapitharum et Centaurorum pugnae (177—190) Martis (191—196) Minervæ (197—200) deorum chori (201—206) portus (207—215) Persei (216—228) denique quem inter hasce connumeravit Oceani (313—317) genuinam scuti descriptionem constituisse censuit; quas deinde ipsas a posteriorum additamentis quibusdam liberatas ita in scuto distribuere conatus est ut Perseum in medio positum circumdarent ceteræ, in quibus binas e consilio poetae sibi opponendas facile agnosceres. Pro certo autem talem ordinem indicare voluisse poetam se negat arbitrari, neque singularum imaginum putat certam ubique formam tenere eum, sed fere omnia, ut olim Heinrichius putaverat, e poeticae descriptionis indole aestimanda esse. Quod quidem in plurimis imaginibus secus esse cum iam pridem observatum sit, tum luculentissime apparebit si discrimen illud describendi generum quod supra statimus ad Hesiodiam descriptionem adhibemus; quorum in ea miram habemus varietatem. Eas enim imagines quæ inde a Lapitharum pugna usque ad

31) In censura editionis Rankianæ, Jahns Jahrb. 1840. p. 269 sq. Populäre Aufsätze p. 243 sq.

32) Quibus quod Lehrsius addit Vulcanum in altera solum parte scuti artificem commemorari (311. 307. 313.) versum 210 omisisse videtur.

Perseum leguntur ab eis quae priorem illam praecedunt eodem modo differre apparet quo supra Catulli descriptionem a Moschea distare vidimus; cum eorum quae in altera parte leguntur quaedam vel Homericum illud genus prae se ferant (cf. vs. 251 sq.), quamquam in hac parte de certo describendi genere propter obscuritatem et negligentiam vix dici possit. Ex hoc autem discrimine certissimum puto argumentum peti posse quo secernantur quae ab eodem poeta non possint profecta esse; haec enim genera cum in diversa poetarum de ipsorum arte sententia nitantur, in unius poetae descriptione coniuncta cogitari nequeunt. Quod etiam in diversas illas prioris generis species cadere existimo, quibus ipsis diversum poetae consilium inesse apparet. Hisce autem generibus novum quoddam maximeque mirum apud Hesiodum accedit, quod in talibus immiscendis perspicitur quae consulto fingantur artis naturae repugnantia (cf. vs. 164. 217. 231. 309. 316); in quibus quidem Lehrsius propriam quandam intellegi voluit pulchritudinem. Exercetur sane hoc modo poetica quaedam in describendo libertas, diversissima tamen illa ab ea qua Homerus utitur; proficiscitur enim poeta a certae imaginis cogitatione, idque in ea conspici vult quod natura vetat quominus conspiciatur. Quod num admirabile sit habendum, ego non iudicabo³³; hoc tantum teneri velim esse quoddam simplex et ad artis rationem conformatum describendi genus, a quo talia commenta suapte natura aliena sint.

Omnium autem severissime in Lapitharum et Centaurorum pugnae imagine (vs. 178–190) imaginis certam cogitationem servari videmus; in qua nihil de ipsius fabulae ratione, de pugnae causa hominumve consiliis profertur, sed tantum imaginis forma personarumque se petentium figurae mira orationis simplicitate describuntur. Accedit accurata materiae indicatio (vs. 183. 188) quae ipsae personae dicuntur aureae, arma eorum argentea fuisse. Denique verbis *ὥς ἐὶ ζωοὶ περ ἔόντες* vs. 189 diserte imago ab ipsa re distinguitur. Iam cum hanc descriptionem proxime accedere videamus ad illas quas ex artis operum notitia fluxisse supra apparuit, ipsam iure suspicamur certum aliquod artificium reddere; quod quidem mihi multo quam antea factum sit luculentius confirmari posse videtur. Centaurorum primum pugnantium figura qualem poeta sibi cogitavit in antiquissimae aetatis operibus frequen-

33) Cf. de his locis recte monentem Welckerum p. 596.

tissima erat. Sic in vasculo picto Caere oppido reperto³⁴ sex Centauros videmus lapidibus et arboribus adversus Herculem sese defendentes, quorum figurae nigro colore exhibitae sunt. In simili vasculo a Gerhardo Vulceis empto³⁵ Herculem habemus cum tribus Centauris arboribus eum aggressis pugnantes, quibus nomina adscripta sunt Ὑλαιος, Πετραῖος, Ἀσβολος. Et haec nomina autem posteriora et arboribus pugnantes Centauros apud Hesiodum habemus. Ipsam autem quam Hesiodus descripsit imaginem praebet ingens amphora illa a Françoisio anno 1844 Clusii reperta³⁶, in cuius collo picti sunt Centauri arboribus lapidibusque adversus Lapithas scutis et ensibus armatos pugnantes; omnibus autem figuris nomina adscripta sunt, partim sane temporis iniuria oblitterata. Supersunt Centaurorum Ἀσβολος, Πετραῖος, Ἀργίος, Ὑλαιος, Πυρρός, Ὀρόβιος, Μελαγχαιτης, Lapitharum Θεσεύς, Ὀπλον, Καϊνεύς, Ἀντίμαχος, et fragmentum nominis ΑΡΤ in quo Ἀρνὰς latere suspiceris³⁷; quorum quae sit cum Hesiodiis compluribus congruentia manifestum est. Haec autem vascula ipsa satis antiquo tempore facta³⁸ testimonium nobis perhibent etiam veteriorum operum a quibus ceperint argumenta sua vasorum pictores. Hoc eo efficitur quod similes eorum imagines fuisse discimus in antiquissimis illis quorum notitiam habemus operibus, arca Cypseli et Apollinis Amyclaei throno, quorum operum imagines plurimas in vasorum picturis simili modo exhibitas cognoscimus³⁹. Sic Pausanias in arca Cypseli viderat τοξεύοντα ἄνδρα Κενταύρου (V. 19. 2.) in throno autem Amyclaeo primum τὴν παρὰ Φόλῳ τῶν Κενταύρων μάχην, deinde Ἡρακλέους πρὸς Ὀρείον Κένταυρον μάχην (III. 18. 7.) Orei autem nomen ibi adscriptum legimus etiam

34) Gerhard auserlesene Vasenbilder II. tab. CXIX. Similes nonnullas imagines descriptas invenies ab O. Jahnio Beschreibung der Vasensamml. Kön. Ludwigs No. 151. 156. Einl. p. CLI.

35) Gerhard etruskische Vasenbilder tab. 13.

36) Monum. ined. IV. tab. 54—57. Braun Annali XX. p. 299 sq. Gerhard Archäol. Zeit. VIII. tab. 23. 24. Jahn l. c. Einl. p. CLIII. sq. Lapitharum et Centaurorum pugna praeterea invenitur in vasculo antiquissimi temporis, O. Jahn Beschr. No. 126.

37) In oblitteratis Pirithoum fuisse iure Gerhardus suspicatur. Fortasse ceterorum quoque plura cum Hesiodiis conveniebant.

38) O. Jahn Einl. p. CLVII. CLXXIII.

39) O. Jahn Einl. p. CLXVII. Archäol. Aufsätze p. 6 sq.

apud Hesiodum vs. 186. Itaque Lapitharum quoque et Centaurorum pugnam eodem modo quo eam in amphora illa vidimus in antiquioribus etiam operibus saepius repraesentatam esse quamquam pro certo non sit compertum summo tamen cum iure suspicamur⁴⁰. Descriptio igitur nostra cum omni ex parte conveniat cum eis operibus, quae extiterunt ea qua ipsa conscriberetur aetate⁴¹, non possumus dubitare quin ex eorum notitia fluxerit. Hoc vero certius etiam nominum illo consensu confirmatur. Nam cum omnino solerent antiquissimae aetatis artifices in cuiusvis generis operibus personarum nomina adscribere⁴², vasorum pictores illi ipsa nomina sine dubio a veterioribus monumentis sumpserunt; ab iisdem autem poetam sua illa nomina petisse mihi veri simillimum videtur esse. Adscripta enim ea sine dubio sibi cogitavit; quod nisi fecisset, magnopere perspicuum illud describendi genus reliquisset; nescires enim quomodo personae in imagine dignoscerentur. De hac autem re nulla prorsus dubitatio relicta esset, si liceret suspicari, nonnulla horum nomina omnino ab artificibus primo esse introducta⁴³. Constat enim artifices saepe in magna eiusdem generis personarum multitudine, ubi nomina a poetis tradita non sufficerent, ipsos nova finxisse e natura et conditione hominum illorum petita⁴⁴; huius autem generis pleraque esse illa

40) Hoc luculentissime perspicitur in illa imagine ex hoc argumento sumpta, in qua Caeneus a Centauris in terram intruditur eoque modo occiditur; quam cum in pluribus antiquae artis monumentis conspiciamus (Welcker p. 577) tam etiam in amphora Françoisiana. Significare videtur eam etiam Pindarus fragm. 148. Boeckh.

41) De tempore carminis nostri disputarunt Heinrichius p. LVIII. Rankius p. 367 sq. Bernhardt Litt. II. p. 258, qui in eo omnes consentiunt, infimae epicae poeseos aetati illud adscribendum esse. Rankius Pisandro antiquius esse putavit, qui mutaverit Herculis armaturam eumque Leonis pelle et clava instruxerit. Quod tamen non debebat continuo ab omnibus poetis recipi, sicut neque ab artificibus statim omnibus observatum est (Heinr. p. LXXI. Paus. V. 18. 1. Gerh. Hauserl. Vasenb. II. tab. 84 etc.) Ceterum videmus non idem esse ipsius carminis tempus eorumque quae ad sententiae descriptionem pertinent.

42) Paus. V. 17. 4. III. 18. 7.

43) Conveniunt sane nonnulla Lapitharum nomina cum Homericis II. 1. 262; cui tamen plurima, Centaurorum fere omnia, ignota sunt.

44) De Polygnote hoc testatur Pausanias X. 25. 2. Cf. Welcker die Compos. der polygnot. Gem. p. 126. Multa exempla e vasorum imaginibus collegit O. Jahn. Einl. p. CXVII.

Centaurorum et Lapitharum nomina iam alii observarunt⁴⁵. — De huius descriptionis genere et origine cum satis mihi videar disputasse; addam pauca quae mihi ad restituendam eius genuinam formam requiri videantur. Videmus enim vs. 186 Mimantem epitheto ornari *μελαγχαίτης*, unico huius generis in hac imagine neque cum eius describendi genere satis conveniente; nam quomodo crines nigri in argentea figura exprimerentur? In amphorae autem pictura illa inter ipsa nomina propria erat *Μελαγχαίτης*, quem legimus etiam apud Diodorum (IV. 12.); *Μίμας* autem neque in artis monumentis neque apud poetas inter Centaurosum nomina invenitur. Itaque sine dubio apud Hesiodum quoque *Μελαγχαίτης* Centauri nomen est, in *Μίμαντα* autem aliud nomen latet nobis pro certo phaude definiendum⁴⁶. Alterum quod hisce addere volui ex symmetriae cuiusdam ratione singularumque partium aequabilitatis fuit, cuius veteres et poetas et artifices⁴⁷ admodum studiosos fuisse scimus. Eam autem in nostra descriptione, qua tam certa imaginis ratio tenetur, paulum abest quominus plene servatam esse videamus; ut de consilio poetae facile nobis persuadeamus. Centauros enim habemus octo, Lapithas novem⁴⁸; illorum deinde nomina tribus, horum vero quatuor versibus enumerata. Est autem inter Lapitharum nomina quo facile careamus Mopsus Ampycides

⁴⁵) Braun *Annali* XX. p. 383. Müller *Orchomenos* p. 189. Cf. O. Jahn l. c. not. 864. Apud posterioris aetatis poetas et scriptores complura horum nomina habemus, Diodorum maxime (IV. 12.) et Ovidium (*Metam.* XII. 210 sq.) qui sine dubio et hunc Hesiodi locum cognitum habuerunt et artis opera respexerunt. Asbolum praebet epigramma apud Philostratum (*Herod.* 20, 87) Sexaginta Lapitharum nomina noverat Porphyrius schol. II. l. 266.

⁴⁶) Suspicius eram *τ' Ἀγρόν τε* aut *τε Λυόν τε* (Ovid. *Met.* XI. 332). Propius vero et ad horum nominum naturam et nonnihil etiam ad litterarum similitudinem accedit quod mihi O. Jahnius proposuit, *τ' Ἐλρόν τε*, cf. Apoll. II. 3. 4. Ceterum ex iisdem artis operibus colligitur formam Centaurosum etiam sibi cogitasse poetam qua et in illis et posteriore tempore in omnibus operibusingerentur, toto equino corpore praeditos cui humani corporis superior pars adderetur. Erravit igitur O. Müllerus etiam hic, quem omnino non recte alteram formam, ubi totum humanum corpus haberent Centauri, antiquiore tempore usitatorem fuisse arbitratum esse monuit O. Jahn. *Archaeol. Aufs.* p. 13.

⁴⁷) Brunn, über den Parallelismus etc. *Rhein. Mus.* N. F. V. p. 321 sq.

⁴⁸) Vix monetur oportet, quod pridem observavit Graevius, praepositione *ἀμφί* ipsas tantum personas significari notissimo dicendi genere.

181, qui ab antiquioribus in Argonautarum numero saep us profertur, inter Lapitharum nomina haud invenitur⁴⁹. De cuius porro vaticinio, quo maxime clarus habebatur inter Argonautas, miramur nihil Hesiodum proferre toto illo versu quo de eo exponat. Quem versum si postea adiectum habemus, restitutam accipimus et imaginis symmetriam, in qua octoni ab utraque parte sese aggre-
diantur, et ipsius descriptionis, ubi quinque de utrisque versibus exponatur.

Cum hac igitur imagine eam primum comparemus quae praecessit aprorum et leonum pugnae vs. 168—177; quam statim videbis ab illa esse diversissimam. Nam omnium illarum rerum, quibus illic vidimus imaginis rationem significari, hic prorsus nihil invenimus; cum neque materiae indicentur, neque formulae quibus imago ab ipsa re secernatur adhibitae sint; referta deinde sit oratio eiusmodi vocibus quae ad figuram ipsam quae conspiciatur nullius momenti sint; denique descriptio ad Homericum genus narrationi similis accedat eo, quod bestiae illae cum interfectos videant leonem duosque apros magis etiam ad pugnandum incitari dicuntur. Hisce accedit scribendi generis a sequentibus maxima diversitas; haec enim descriptio quantopere sit frigida et ieiuna, cum in sequentibus non possimus non elegantiam quandam agnoscere quisque sentiet⁵⁰. Hanc igitur descriptionem apparet non ex

49) De Mopso omnia conguessit Burmannus in catal. Argonautarum, Valerii Flacci editioni praemisso. Lapitham eum Strabo nominat IX. p. 443 et Ovidius Met. XII. 456, qui potuerunt hunc ipsum locum respicere.

50) Huc maxime vs. 176. 177 refero quibus eadem fere verba repetuntur quae vs. 168. 169 iam legebantur. Deinde mihi maxime languere videntur versus 170. 171, quibus quod in superioribus iam indicatum fuerat, sese aggressuros fuisse illos, molestis ambagibus et vix ferendo orationis decursu extenditur. His autem versibus mihi aliqua interpolationis suspicio admoveri posse videtur e duobus voculis *των και*, quae primum ipsae ineptissime scriptae sunt, quasi aliquid novi et inexpectati adderetur, deinde saepius in his Hesiodiis carminibus positae inveniuntur ubi aliis praeterea causis locum esse postea adiectum demonstrari possit; quo mihi pertinere videntur versus Theogon. 453. 910. Scut. 7. 8; quod tamen hic persequi longum est. — De ceteris versibus restituendis bene meritis est Lehrslius, qui vs. 172—173 ita cognovit contrahendos esse

ἦδη γὰρ σφιν ἔκειτο μέγας λῆς, ἀμφὶ δὲ κἀπροι

δοιοὶ τεθνηῶτες ὑπὸ βλοσυροῖσι λέονσι

in quibus mihi interpolatio fluxisse videtur e verbis ex vs. 268 in margine adscriptis *αἶψ' ἀπέλειπει' ἔραζε*.

earum numero esse, quae ad certi alicuius operis normam conformatae sint⁵¹; immo poetam persuasum habeo hanc descriptionem Homeri recordationi debere. Is enim primum saepissime ab apris sive leonibus comparationes suas petiit (Il. V. 782. VII. 256. VIII. 378. XI. 413) in quibus vel pugnam inter leones et apros legimus Il. XVI. 823; deinde in ipso Herculis balteo, qui describitur Od. XI. 611. ficti esse narrantur

ἄρκτοι ἀγρότεροί τε σῖες χαροποί τε λέοντες

quem locum eo magis respexisse nostrum credendum est, cum in eo solo apud Homerum de Herculis armis aliquid praedicetur. Hanc igitur imaginem et sequentem Lapitharum pugnae, et describendi genere et fonte inter se diversissimas, nemo putabit ab uno poeta in eadem descriptione exhibitas esse potuisse.

Ab utraque rursus imagine distare videmus eas quae Lapitharum pugnam secuntur; in quibus primum considerabo duas illas sibi respondentes Martis et Palladis imagines (191—200)⁵². Non desunt in iis indicia quibus prius illud describendi genus agnoscatur; primum enim non relinquitur unum temporis momentum; deinde verbis *ὡς εἰ ζωὸν ἐναριζῶν* 194, *ὡς εἰ τε μάχην ἐθέλουσα κορύσσειν* 198 imaginis cogitatio inculcatur; postremo materia indicatur equorum 192 et Palladis galeae 199, in personis autem omittitur. Hoc eo fortasse excusares quod e praecedenti imagine eam intellegendam esse diceres; verum in sequentibus imaginibus cum sane eodem modo personarum materia omittatur, in Persei rursus imagine indicatur v. 220. Hic igitur plenam perspicuitatem assequi noluit poeta; cuius rei in ceteris quoque inveniuntur vestigia. Primum qui verba *ὡς εἰ ζωὸν ἐναριζῶν* scripsit, is veram formulae illius vim non satis perspexit; id enim quod de Marte dici expectamus, tam perspicue eum fictum esse quasi viveret, de iis dicitur quibuscum pugnet, de quibus praeterea nihil audimus⁵³. Deinde vero maioris momenti illud est, quod pugnae qui-

51) Quamquam scio, eiusmodi bestias vario modo antiquissima aetate saepissime fictas esse, cf. Jahn Einl. p. CXLIV. In ipsa amphora Françoisiana habemus leones cum apris pugnantes.

52) Peculiares eas imagines esse habendas propter verba *ἐν δὲ* recte statuit Lehrs. Antea enim ad Lapitharum pugnam pertinere dei illi credebantur, Schlichtegroll. p. 64. Welcker. p. 577. Müller p. 622.

53) Haec difficultas sane eo mihi evanescere videtur, quod alia praeterea accedunt quibus adducamur ut hunc versum spurium iudicemus; nam nimis multis hoc loco coniunctis participiis (*ἔχων — κελύων — ἐναριζῶν —*

dem interesse numina illa e verbis *πρῶτῳ κελύων, πόλεμον καταδύμεναι ἀνδρῶν, ἐπὶ δ' ὤχετο φύλοπιν αἰνὴν* clare perspicitur ⁵⁴, haec autem pugna a quibus geratur et quomodo in imagine repraesentata sit ne verbo quidem exponitur ⁵⁵. Videtur igitur hic poeta certam imaginis formam non sibi cogitasse, genus autem describendū ad illius similitudinem, quod aut ex antecedenti imagine aut aliunde sibi cognitum esset, cuius propriam vim et rationem non perspiceret, imitando conformasse. Cui rei convenit quod leguntur hic etiam talia quae ad narrationem nonnihil accedant, *ἰέμενοι καταδύμεναι* 196, *ἐπὶ δ' ὤχετο* 200, aut omnino ad visum non pertineant, *βλοσυροῖο, ποδώκεος* 191, *ἐναρφόρος* 192, cuius generis in priore imagine nihil habuimus. Quae cum ita sint, haud

ἐπεμβεβῶς) paulo molestior oratio procedit. Simili ratione infra versum 290 postea adiectum esse videbimus. Et cum propter eandem illam symmetriae legem poetam credi conveniat hos deos, quos sine dubio sibi oppositos esse voluit, aequali etiam versuum ambitu descripsisse, non possum non etiam de versu 193 dubitare. Cuius rei infra luculentum accedere videbimus argumentum.

54) Vidit hoc Hermannus. Lehrsius fieri posse putabat ut haec non de vera pugna acciperentur; quae mira esset dicendi obscuritas et ambiguitas.

55) Hanc difficultatem Hermannus audaciore mutatione remove voluit. Nam cum etiam vs. 237 sq. incertorum populorum de expugnanda urbe bellum describeretur, Gorgonum commemorationi non apte additum, ubi *οἱ δὲ* verba significarent aliquid quod praecessisset, hanc descriptionem coniecit antea cum Palladis imagine coniunctam fuisse hoc modo

200 *αἰγίδα τ' ἀμφ' ὤμοις· ἐπὶ δ' ὤχετο φύλοπιν αἰνὴν*

236 *δεινὸν δερκομένην· χειρὸς δ' ἀμφὶ στήθεσιν*

Γοργέης ἐδονεῖτο μέγας φόβος· οἱ δ' ὑπὲρ αὐτίαν

ἄνδρες ἐμαρνάσθην πολεμήϊα τεύχε' ἔχοντες

quod quidem mihi nullo modo fieri posse videtur. Nam primum quod populi de urbe pugnantes non certo nomine designantur, cum tamen huius rei certa possit imago cogitari, nihil habet offensionis; deinde ne est quidem imago illa eo quo Hermannus putavit cum Gorgonibus coniuncta, cum *ὑπὲρ* praepositio novam scilicet aream significet; porro siquidem *Γοργέης χειρὸς φόβος* de Gorgone in Palladis aegide conspicua dici voluit, incommode ad aegidem describendam rediret poeta cum iam ad pugnam transisset vs. 200; denique ne tenuit quidem Hermannus quod initio voluerat; qui cum antea id assecuturus esse videretur ut Mars et Pallas ipsi huic pugnae interessent, postea nihilo minus peculiare eis imagines effici voluit (p. 213). Coniunctionem autem Persae imaginis cum obsessa urbe, quam sic prorsus obscuravit Hermannus, multo facilius explicari posse apparebit.

certe credideris ab artis operibus hasce imagines sumptas esse⁵⁶, quas contra luculenter demonstrari potest Homeri recordationi deberi. Primum enim quae de Palladis armatura proferuntur, ea omnia copiosius enarrata poeta invenire potuit II. V. 738 simillimis adeo ipsis verbis. Martis autem comitumque eius Palloris et Pavoris cogitationem patet ortam esse e simillimorum verborum recordatione II. XV. 119.

καὶ ὃ' ἵππους κέλετο δαῖμόν τε φόβον τε

ζεύγνυμεν, αὐτὸς δ' ἔντε' ἐδύσετο πανμφανόοντα

Coniunctos deinde Martem et Palladem saepissime apud Homerum habemus, II. IV. 439. V. 430. XX. 358. Od. IV. 439 et in ipsa scuti Achillis descriptione XVIII. 546. Hisce postremo accedit, quo hae imagines a praecedentibus differant, quod singula etiam verba omnia fere ad Homeri imitationem expressa sunt⁵⁷; ut iam nobis contingerit in hac priore descriptionis parte trium diversorum poetarum operam dignoscere. Quorum cui sequentia adscribenda, sint iam quaeramus.

Versibus igitur 201—206 describitur deorum saltantium chorus⁵⁸, in quibus Apollo *κιθαρίζει*, Musae canunt. De huius autem imaginis describendi genere non potest prius iudicium formari quam de eius genuina forma inepto additamento inquinata pro certo nobis constiterit. Verbis enim

θεῶν δ' ἔδος ἀγρός Ὀλύμπος

ἐν δ' ἀγορῇ· περὶ δ' ὄλβος ἀπείριτος ἐστεφάνωτο

ἀθανάτων ἐν ἄγωνι·

apparet deorum saltationem et Musarum cantum, quae arcte inter

56) Quod quidem in Martis imagine eo minus est veri simile quia eius figura antiquissimo tempore nondum erat tam certo definita certisque signis exornata; qui ubi proelio interest vix a ceteris pugnantibus distinguitur. Cf. Müller Handb. d. Arch. §. 372. O. Jahn Besch. No. 48.

57) Cf. *ποδῶκτες ἕστασαν ἵπποι* = *ἵπποι ἕστασαν ὠκύποδες* II. X. 600, *πυλῆσσι κελύων* = *ἡγεμόνα πυλῆων* II. XV. 517, *πόλεμον καταδύμεναι ἀνδρῶν* = *μάχην καταδύμεναι ἀνδρῶν* II. III. 241, *Διὸς θυγάτηρ ἀγέλη Τριτογένεια* = eisdem verbis Od. III. 378, denique *φύλοπις αἰνῇ* apud Homerum notissima, cf. II. IV. 15 etc.

58) Ita recte vocem *χορός* mihi interpretatus esse videtur Welckerus, quod necessarium videtur maxime propter *ἐξῆρχον* vocem 206, cf. Athen. p. 180 D, II. XVIII. 603. Müllerus putavit *χορὸν* hic quoque, ut saepius apud Homerum, locum significare, in quo saltaretur; quod de deis quidem inauditum esset neque omnino satis apte diceretur.

se coniuncta esse debebant, molestissime divelli. In quibus alias praeterea ob causas superiores offenderunt locumque vario modo sanare studuerunt. Primum cum verba θεῶν δ' ἔδος ἄγνός Ὀλυμπος non essent coniuncta cum praecedentibus nec ferri posset loci commemoratio tam sero posita, D. Heinsius, quem permulti etiam recentiorum secuti sunt, emendanda haec esse sic putavit θεῶν δ' ἔδος ἄγνυτ' (resonabat) Ὀλυμπος. Sed neque adhiberi ita potuit ἄγνυμαι verbum sine addita echus notione (cf. vs. 279 περὶ δέ σφισιν ἄγνυτο ἥχῳ) neque haec soni significatio in Musarum cantu ferri potest⁵⁹. Relinquerentur etiam sic gravissimae de sequenti versu dubitationes. Quo quidem Hermannus describi putavit forum in quo pretiosissima quaeque venirent; coniunctum igitur eum antea fuisse cum sequenti portus descriptione, quibus omnibus una humanarum fortunarum imago efficeretur; inde iniusto loco a librario quodam positum. Sed huiusmodi forum a portu in quo piscator sedeat diversissimum est, neque unam his rebus imaginem effici velle potuit poeta; quod ipse diversissimus versuum numerus docere potuit. Müllerus eo versu denuo significari putavit deorum consessum Musarum cantum audientium; quod Lehrsius idcirco fieri non posse recte monuit, quia ἀγορῇ non omnem consessum significaret sed eum qui consilii capiendi causa iniretur. Et hunc igitur et praecedentem versum Lehrsius voluit spurium haberi. Sed cum verba χρυσεῖη φόρμιγγι aptissima sint et vix deesse possint Apollinis commemorationi, contra verba ἀθανάτων ἐν ἄγῳνι 205. prorsus sint superflua et molestam repetitionem prae se ferant (ἄγῳν = ἀγορῇ, ἀθανάτων vs. 201), sic mihi videtur haec descriptio restituenda esse

ἐν δ' ἥν ἀθανάτων ἱερὸς χορός· ἐν δ' ἄρα μέσσω
ἱμερόεν κιθάριζε Διὸς καὶ Ἀθητοῦς υἱός·
χρυσεῖη φόρμιγγι· θεαὶ δ' ἐξῆρχον αἰοιδῆς
Μοῦσαι Πιερίδες, λιγὴν μελπομένης εἰκνῆται⁶⁰.

Iam de describendi genere quaeri potest. Quod mihi videtur prioribus duabus Martis et Minervae imaginibus similis esse quam Laphtharum pugnae; nam in universum quidem simplex est et imaginis rationem sequitur (λιγὴν μελπομένης εἰκνῆται 206); sed primum

59) Frigidissimum est quod Lennepius proposuit ἔγγυς Ὀλυμπος, neque omnino ferri potest quod olim Guletus coniecerat ὦρνυτ' Ὀλυμπος.

60) Eadem dicitur ab editoribus esse Bauermeisteri sententia Obs. in Hes. carm. p. 16, cuius libello mihi uti non licuit.

citharae tantum materia indicatur, non ipsarum personarum; deinde quod Apollo *ἡμερόεν κιθάριζε*, hoc certe in imagine non conspicietur; postremo miramur quod tam incerte tantum deorum chorum nominat, ubi is qui Lapitharum pugnam descripsit sine dubio singulorum nomina enumerasset. Iam intellegimus hic quoque certam imaginis formam poetae oculis non esse obversatam, describendi autem illud genus imitando accommodatam esse argumento aliunde petito. Nam huius similes imagines e veterioris artis monumentis non sunt cognitae, in quibus cum Apollinem et Musas cantantes ⁶¹, deinde deorum pompas ⁶² saepius exhibitas videamus, deorum tamen saltationem nunquam conspiciamus. Immo veteriorum imitatione hanc descriptionem ortam esse et e duobus quidem antiquiorum poetarum locis, quos iam Rankius comparaverat, quasi conflata omnium mihi certissime videtur cognosci posse. Primum enim brevem illam saltationis descriptionem quam Homerus vendemiacae imagini addidit ll. XVIII. 569 — 572, ubi circa puerum carentem saltant ceteri, respexisse nostrum similia verba *ἐν μέσσοισι, ἡμερόεν κιθάριζε, φόρμιγγι λιγείῃ* ostendunt. Saltationem autem cum ad deos referret, in animo habuit narrationem quam in hymno ad Apollinem vs. 182—206 legimus, in qua prorsus eadem res nonnunquam eisdem verbis exponitur, vs. 182 *Ἀητοῦς ἐρικυδέος υἱός*, vs. 184

τοῦτο δὲ φόρμιγγς

χρυσέου ὑπὸ πλήκτρον καναχὴν ἔχει ἡμερόεσσαν.

Inde etiam explicari mihi posse videtur, quomodo ea quae vs. 203. 204 inserta leguntur irreperere potuerint; scilicet is, qui narrationem illam accuratius teneret memoria, cum recordaretur verborum illorum vs. 186. 187.

ἐνθεν δὲ πρὸς Ὀλύμπον ἀπὸ χθονός, ὥστε νόημα

εἰσι Διὸς πρὸς δῶμα, θεῶν μεθ' ὁμήγευρον ἄλλων

ea in Hesiodia descriptione redditurus satis inscite eam sic immutavit

61) Videmus eos fuisse in arca Cypseli, Paus. V. 18. 1. cf. O. Jahn arch. Aufz. p. 10. Novem Musae in amphora Françoisiana pompae deorum intersunt ad Pelei et Thetidis nuptias euntium. In posteriore quodam vasculo descripto ab O. Jahnio Beschr. No. 803 habemus novem Musas et in inferiore arca Lapitharum et Centaurorum pugnam; quas qui ita composuit, respexit sine dubio Hesiodiam descriptionem qualem nos legimus.

62) O. Jahn archäol. Aufs. p. 113.

ἐν δ' ἦν ἀθανάτων ἱερὸς χορός • ἐν δ' ἄρα μέσση
 ἱμερόεν κισσάριζε Λιδὸς καὶ Λητοῦς υἱὸς
 χρυσείῃ φέροντι γυν. θεῶν δ' ἕδος, ἕγνων Ὀλυμπος.
 ἐν δ' ἀγορῇ, περὶ δ' ὄλβος ἀπειρίτος ἐστεφάνωτο.

Divitiarum autem quae in Olympo essent cogitationem sumpsit ex hymn. Merc. 249; verborum autem illorum περὶ δ' ὄλβος etc. simillima leguntur hymn. Ven. 120. Iam ex omnibus quae de hac imagine disputavimus apparuit nihil obstare quominus eam ab eodem poeta profectam esse credamus qui superiores duas Martis et Palladis imagines composuerit; in quibus omnibus animadvertas quaeso aequalem quattuor versuum ambitum (cf. adn. 53).

Imaginem quae sequitur exhibetur portus cum delphinibus et piscibus, in cuius ripa piscator cum iaculo sedet (207–215). Quam videmus eadem quae in superioribus habuimus vestigia simplicioris illius describendi generis prae se ferre, formulas κλυζόμενον ἱκελὸς, ἀπορύπτου τοικῶς, deinde materias accurate indicatas; ubi tamen diversitatem aliquam habemus in eo consistentem quod augetur materiarum numerus; nam delphines argento, portus κασσιτέρῳ, pisces aere facti dicuntur, cum in superioribus aurum tantum et argentum nominatum invenerimus. Quare mihi hoc non e certae imaginis cogitatione fluxisse sed tantum eam ob causam prolatum esse videtur ut splendoris aliqua cogitatio augeretur. Certae deinde imagini neque quod pisces tremere dicuntur convenit neque epitheta illa εὐορμος et ἀμαιμάκετος. Accedit quod huiusmodi imaginem ex artis antiquae monumentis non habemus cognitam, cuius ipsum argumentum cum non e mythica historia sed e vita quotidiana sumptum sit ab eis rebus differt quae antiquissimo tempore plerumque ab artificibus fingeantur. Ad Homericam contra comparisonis exemplum quae legitur Il. XXI. 22 hanc imaginem et ipso argumento et singulis verbis expressam esse iam Rankius observavit,

ὥς δ' ἐπὶ δελφῖνος μεγακέρτεος ἰχθῆες ἄλλοι
 φεύγοντες πιμπλάσι μυχοῦς λιμένος εὐόρμον
 δειδιότες • μάλ᾽ γάρ τε κατεσθίει ὅν κε λάβῃσιν ⁶³.

63) Verba ἐν δὲ λιμὴν εὐορμος praeterea leguntur Od. IV. 358. IX. 136. Deinde si revera versus illi e Titanomachia servati (Athen. VIII. p. 277 d)

Quamobrem hanc quoque descriptionem et generis et fontis similitudine cum tribus prioribus convenire, a Lapitharum pugna diversam esse dicendum videtur. — De cuius genuina forma plura mihi monenda restare videntur. Versus primum 209 — 212 cum aliis vitiiis a Lehrsio monstratis laborant, tum molestissimis referti sunt repetitionibus (κλυζομένην ἰκελος = νηχομένοις ἰκελοι. δελφίνες 210 = 212, ἐθύνεον ἰχθυόοντες = ἐφοίτων ἔλλοπας ἰχθύς). Quamobrem Lehrsius hic duos tantum ab initio versus extitisse statuit, in quibus cum duplex ferretur lectio ἀργύροει δελφίνες ἐθύνεον et δελφίνες τῇ καὶ τῇ ἐθύνεον, ab inuito quodam homine cetera illa adderentur. Vbi tamen mihi videtur, cum in versu 212 codicum consensu firmetur lectio ἐφοίτων⁶⁴, quod de delphinibus multo aptius dicitur quam insolens illud ἐθύνεον⁶⁵, veri similis esse hanc fuisse horum versuum genuinam formam

κλυζομένην ἰκελος· πολλοί γε μὲν αἶμ' μέσον αὐτοῦ
ἀργύροει δελφίνες ἐφοίτων ἰχθυόοντες.

Tum vero admodum dubito de tribus postremis versibus 213—215. Nam primum in Homericis illa comparatione unde haec imago sumpta est, de piscatore nihil dictum est; quod potuit sane noster de suo addere. Deinde autem valde molesta est in his versibus piscium bis repetita commemoratio cum praecessisset ἰχθυόοντες. Denique mihi vestigium superesse videtur unde haec verba imitatione expressa esse dicantur, multo illud quidem posterioris aetatis. Nam simillimum versui 215 initium habemus in Antiphanis comici fragmento⁶⁶, in quo hi versus leguntur

ἐν δ' αὐτῇ πλωτοὶ χρυσώπιδες ἰχθύες ἔλλοι
νήχοντες παίζουσι δι' ὕδατος ἀμβροστοιο

ad scuti descriptionem quae in eo carmine legeretur pertinebant (quae Welckeri est suspicio Ep. Cycl. II. p. 409. cf. Bergk de rel. com. att. p. 237); similis argumenti imaginem ex ea sumere potuit noster.

64) Solus Diaconus habet ἐθύνων, cuius nulla est auctoritas.

65) Inventitur haec vox nonnisi in carmine nostro, eis quidem locis qui alias ob causas postea additi habendi sunt (vs. 156. 237. 288). Hos ipsos locos respexisse videtur grammaticus ille qui Hesiodiam vocem illam dicit (Cramer. anecd. Oxon. p. 55), quo tamen ipse testatur se hanc vocem apud alios scriptores non invenisse. Eandem notionem Hesiodus voce θύνειν exprimit (Theog. 873. Op. 619); Homerus θύνειν.

66) Frgm. 109. Mein., ex Problemate comoedia servatum ab Aethnaeo X. p. 150. C. Incipit aenigma illis verbis, quod Antiphanem nescio an iure suspicamus ipsum antiquioris alicuius memoriae debere.

ἰχθύσιν ἀμφιβληστρον ἀνὴρ πολλοῖς ἐπιβάλλων
οἰηθεὶς, μεγάλη δαπάνη μίαν εἴλκυσε πέτρην.

Hanc in verbo haud admodum vulgari congruentiam casu accidis-
se nemo putaverit; ab Antiphane autem cum verba illa aptissime sint
coniuncta cum ceteris, apud Hesiodum dativus ἰχθύσιν molestissi-
mus est et vix ferri potest. Haec igitur verba crediderim inserta
esse ab aliquo multo posterioris aetatis poeta qui aenigmatis illius
memor esset. Quae si recte disputavi, hanc quoque descriptionem
apparet quattuor versibus terminatam esse,

ἐν δὲ λιμὴν εὖορμος ἀμαιομάχοιο θαλάσσης
κυκλοτερὲς ἐτέτυκτο πανέφθον κασσιτέροιο
κλυζομένη ἱκελος· πολλοί γε μὲν ἄμ. μέσον αὐτοῦ
ἀργύρεοι δελφῖνες ἐφοίτων ἰχθυόοντες

itaque omnibus numeris tribus superioribus respondere. Videtur
ergo in hisce iam consilium unius alicuius poetae patefactum esse
qui seriem imaginum eodem describendi genere versuumque ambitu
descriptarum exhibiturus esset.

Venio ad omnium diiudicatu difficillimam Persei festina u-
tis descriptionem, in qua mirum in modum permixta habemus di-
versissima describendi genera (vs. 216 sq.). In cuius maiore parte
certa imago simpliciter et perspicue describitur, materia plene in-
dicata (nam Perseus ipse auro factus gladium portat aeneum Me-
dusamque in argentea pera aureis propendulis ornata) formulae
σπεύδοντι καὶ ἐρρίγοντι εἰκῶς vs. 228 adhibita. Ab hisce pri-
mum verba ὁ δ' ὥστε νόημ' ἐποῖατο v. 222 discrepant, quae com-
paratio imagini non convenit; distant porro quaecunque vs. 229 sq.
de Gorgonibus Perseum persequentibus dicuntur, quibus a descri-
ptione ad narrationem transiri sentimus (ἐρρώοντο, ἰέμεναι μαπέειν)
ornatam grande sonantibus epithetis ἄπλητος, οὐ φατός, cum de
Gorgonum figura et amictu nihil proferatur, immo inserantur quae
cum artis natura pugnent (vs. 232. 235). Maxime autem a cete-
rorum simplicitate abhorret mirum illud commentum quod 217—
219 de Perseo legitur

οὐτ' ἄρ' ἐπιψαίων σάκεος ποσὶν οἴθ' ἐκὰς αὐτοῦ,
θαῦμα μέγα φράσσασθαι, ἐπεὶ οὐδαμῇ ἐστίρικτο.

Quae verba qui explicando ad artificii rationem referre conati
sunt ⁶⁷, poetae mentem mihi non intellexisse videntur, qui miracu-

⁶⁷) Schlichtegrollius (p. 76) de figuris ut in opere anaglypho multum

lum proferre voluit ab humano artifice haud perficiendum; eam autem ipsam ob causam hic Vulcani mentio incitur, qui in superioribus nusquam erat nominatus. Quo quidem luculentissimo utimur argumento, postea additos esse hos versus; cui praeterea accedit, quod eius poetae consilium, qui hos versus composuit, quibus voluit certe volitationis celeritatem aliquo modo exprimere, differt a ceterorum ratione, quibus apertum est voluisse poetam primum figuram Persei describere, tum vero demum de eius festinatione exponere v. 228. His igitur versibus, quos qui inseruisse videatur postea indicabo, resectis leni mutatione cursum orationis sic restituiamus

ἐν δ' ἦν ἡΐκόμον Δανάης τέκος, ἵπποτα Περσεύς,
χρύσεος· ἀμφὶ δὲ ποσσὶν ἔχε πτερόεντα πέλδιλα.

Ceterae illae difficultates priusquam removeantur, mihi quaerendum videtur de fonte huius descriptionis; quam cum magnam quidem partem severum illud genus prae se ferre appareat, iure nostro suspicamur ab artis operibus petitam esse. Perseum autem eo quo hic describitur habitu post interfectam Medusam fugientem saepissime in veterrimae artis monumentis conspiciamus. Videmus eum in vasculi Vulceis reperti⁶⁸ imagine nigro colore picta talaribus, stricta veste et orci galea indutum, *κίβισιν* et *ἄρπην* manibus tenentem et extentis pedibus fugientem; praeterea Medusam abscisso capite in terram proiectam, denique Palladem cum aegide gladioque. Prorsus eodem modo repraesentatus est in eis imaginibus in quibus Gorgones eum persecuntur. Huc pertinet vasculi antiquissimi temporis⁶⁹ imago, in qua Perseum manibus pedibusque extentis fugientem et *κίβισιν* in tergo ferentem sequitur primum Mercurius ipse festinans, deinde Gorgones duae horrenda facie, strictis vestibus indutae alisque praeditae quantumque possunt festinantes; postremo videmus ipsam Medusam in terra iacentem cum Pegasi capite. Eiusdem generis vasculi imaginem Gerhardus publici iuris fecit⁷⁰, in qua Perseus eodem corporis habitu, pelle, alatis tala-

extantibus dicta putavit; Hermannus Perseum clavo scuto affixum cogitari voluit (ut Aesch. Sept. 347); Müllerus miram tantum perspicuitatem imaginis exprimi. Quibus omnibus verba οὐδαμῇ ἐστίρηκτο et θαῦμα μέγα φράσσασθαι obstare unusquisque videt.

68) Publici iuris facti ab Levezovio, Entwicklung des Gorgonenideals Fig. 23, p. 57. Cf. O. Jahn Beschr. No. 1187.

69) Levezow Gorgonenideal Fig. 24 p. 60.

70) Gerhard auserl. Vasenb. II tab. 88 O. Jahn Beschr. No. 619.

ribus et orci galea indutus peramque in tergo ferens per aërem avolat, secuntur autem eum duae Gorgones prioribus illis prorsus similes; adsunt praeterea Minerva, Mercurius et interfectae Medusae corpus. Hanc autem imaginem frequentem fuisse antiquissima aetate eo videmus quod etiam in arca Cypseli ficta erat ⁷¹. In omnibus autem quas commemoravi imaginibus non prorsus aequalis argumenti eandem semper habuimus figuram Persei manus pedesque eodem modo extendentis, deinde peram quidem et orci galeam ubique ferentis et plerumque etiam alatis talaribus instructi, harpen autem raro manibus tenentis ⁷². Quibus adducimur ut persuadeamus nobis de aliquo fugientis Persei figurae quasi archetypo opere omnibus illis rebus instructae quae imaginibus illis communia essent. Talis autem operis inde quoque testimonium accipimus quod a pluribus scimus Perseum hoc modo fictum esse solum sine additis aliis figuris. Fecerat enim eum primum Pythagoras Rheginus ⁷³, deinde Myron ⁷⁴; quorum opera plures posterioris aetatis artifices imitati esse videntur ⁷⁵. Cum hac igitur imagine apparet Hesiodiam descriptionem tantopere convenire ut non possit non ex eius notitia fluxisse; nam etiam hic habemus festinantem Perseum omnibus illis rebus praeditum quas in operibus illis habuimus. Quo cognito certius iam poterit iudicari de eis descriptionis nostrae partibus, quas imaginis rationi haud convenire vidimus; quarum primum accuratius consideremus postremam partem, qua Gorgones describuntur. Vidimus sane, Gorgones Perseum persequentes saepe ab artificibus repraesentatas esse; unde aliquis versus illos apud Hesiodum non esse sollicitandos existimaverit. Imaginem autem ab artis operibus sumptam esse, hoc non ex eo solo cognoscitur quod

71) Pausan. V. 18. 1. „αἱ δὲ ἀδελφαὶ Μεδούσης ἔχουσιν πτερὰ Περσέας εἰσι διώκουσαι· τὸ δὲ ὄνομα ἐνὶ τῷ Περσεὶ γέγραπται μόνον.“

72) Cf. Apollod. II. 4. et schol. Ap. Rh. IV. 1091. 1515. quorum auctor est Pherecydes.

73) Dio Chrys. 87, 10.

74) Pausan. I. 23. 8 „καὶ Μύρωνος Περσέα τὸ ἐς Μένουσαν ἔργον εἰργασμένον,“ quae verba sic tantum explicari possunt, ut secum portasse illum credamus Medusae caput et festinanter aufugisse; nam alioquin illud non potuit agnoscī, quod dicitur perpetrasse facinus istud.

75) Conspexerat talem imaginem Euripides, *Electr.* 458. Quam videmus porro in nummis (Cadavène Recueil pl. 4, 27, et speculis Etruscis (Gerhard etrusk. Sp. II. 121. 123).

inveniuntur eiusmodi opera, sed describendi genus eis respondere oportet; quod quidem hoc loco tam diversum esse a superioribus apparuit ut haec ab eodem poeta profecta esse non potuerint. Immo ne conveniunt quidem quae de Gorgonibus dicuntur cum operibus illis; nam cum expectemus de festinatione et amictu Gorgonum similiter ut de Perseo aliquid dici, nihil eiusmodi legimus, nisi huc pertinere dixeris versum 233, in quo Gorgones in zonis habere dracones dicuntur; sed hoc ipsum in artis operibus nusquam conspicitur. Deinde extitisse imagines in quibus Perseus solus repraesentatus esset cum aliunde tum ex ipsis illis amplioris ambitus imaginibus cognovimus. Sed praeter describendi generis diversitatem accedunt ex ipsis verbis sumpta vestigia, quibus cognoscamus quomodo haec postea inserta sint ⁷⁶. Nam si hos ipsos versus accuratius consideramus

228 αὐτὸς δὲ σπεύδοντι καὶ ἐρρίγοντι ἑσικῶς

Περσεὺς Δαναΐδης ἐπιταίνοτο. ταὶ δὲ μετ' αὐτὸν

Γοργόνες ἅπλητοί τε καὶ οὐ φατοὶ ἐρρῶοντο

facile sentimus ea quae versus 229 initio leguntur prorsus esse superflua; nam Persei et nomen et stirps iam supra prolata erant; praeterea vocis Δαναΐδης prima syllaba non recte producitur. Haec igitur sine dubio eam ob causam inserta sunt ut sequentia cum superioribus coniungerentur, quorum antea diversa fuerat ratio; ipsam autem Persei descriptionem antea versu 228 finitam fuisse censeo; id

76) Afferrem hic etiam vocis ἅπλητος veteriori poesi non convenientem notionem, nisi scirem omnia in quibus de tempore carminis quaereretur incerta esse. Breviter tamen hoc loco significabo quid mihi de hac voce statuendum videatur. Atque duarum formarum ἅπλαστος (= ἅπληστος) et ἅπλητος (= ἅπλατος) eam antiquiore tempore videmus esse rationem, ut prior illa a πελάζω derivata habeatur (Hes. theog. 151. 163. Op. 148) altera vero cum ἀπλήρωτος notione conveniat (Theog. 315. 709. Hymn. Cer. 83. Simon. fragm. de mul. 34). Posteriore aetate prorsus inversam esse rationem et ἅπληστος eum significare videmus qui satiari nequeat (Theogn. 109. Aesch. Ag. 102. Soph. El. 1328) ἅπλητος autem sive ἅπλατος eum ad quem nemo accedere audeat (Pind. Pyth. I. 21. XII. 9. Aesch. Prom. 371. Soph. Ai. 259. Trach. 1093, unde fluxit Hesychii interpretatio ἀπρόσιτος). Haec igitur notione quater in carmine nostro adhibitum legimus, vs. 147. 230. 250. 263. Erravit autem Mützellius, cum de emend. theog. p. 54 sq. ἅπλητος apud antiquiores utraque notione adhibitum inveniri diceret, exemplis usus theog. v. 153, ubi optimi codices habent ἅπλαστος, et scuti locis illis suapte natura incertis.

quod eo etiam confirmatur quod formulae illae *ῥοικῶς* vocē terminatae semper in fine sententiae leguntur ⁷⁷. In hoc autem primum desideratur verbum finitum, praeterea verba *αὐτὸς δὲ* satis sunt superflua, ac ne prorsus quidem recta; nam si haec revera ita coniungenda fuissent *αὐτὸς μὲν* requiri Lehrsius recte censuit. Itaque non longe a vero aberrabimus si verum ab initio talem fuisse statuimus
ἔπατο δὲ ⁷⁸ *σπεύδοντι καὶ ἐρρίγοντι ῥοικῶς*.

Iam restat ut de tota priorē descriptionis parte quaeramus. In qua iam supra vidimus verba *ὁ δ' ὥστε νόημ' ἐποτᾶτο* huius imaginis rationi haud convenire; quae eam praeterea ob causam sic ut leguntur offensionem praebent, quia inconcinne Persei amictus descriptioni iam nunc inseritur festinationis commemoratio, quae repetitur vs. 228. Accedit quod primum talarium (220) materia non indicatur, deinde contra imaginum quas comparavimus rationem ensem circa humerum ferre dicitur Perseus, quod in operum illorum nullo habuimus. Videmus igitur poetam in priorē descriptionis parte non certam imaginis formam tenere; quae profecto memorabilis est describendi generis discrepantia. Deinde adspicias quaeso quam miris ambagibus versibus 223—225 Perseus narretur Medusae caput auferre. Integro enim versu de capite quod non conspicitur exponit; quod cum dicere vult in pera fuisse reconditum, artificiose hoc ita exprimit peram illud circumdidisse, *ἀμφὶ δέ μιν χίβισις θέε*. Quibus omnibus accedit incommode in his versibus saepius repetita praepositio *ἀμφὶ* (*περὶ*), vs. 220. 221. 224. 226. Quae cum bis eodem versus loco reperitur, vs. 220. *χρύσεος· ἀμφὶ δὲ* et vs. 224. *Γοργοῦς· ἀμφὶ δέ μιν*, certissimum mihi hinc petendum videtur duplicis recensiois vestigium, quo facto omnes istae dubitationes evanescent. Priorem igitur hos versus continuisse existimo

*ἐν δ' ἦν ἡϊκόμον Δανάης τέκος, ἵπποτα Περσεύς,
 χρύσεος· ἀμφὶ δὲ ποσσὶν ἔχε πετρόεντα πίδαλα
 ὥμοισιν δέ μιν ἀμφὶ μελάνδρετον ἄορ ἔκειτο
 χάλκεον ἐκ τελαμῶνος· ὁ δ' ὥστε νόημ' ἐποτᾶτο:*

in qua iam vides festinationis commemorationem apte in fine esse collocatam; ipsius autem descriptionis eam esse naturam ut neque

77) Cf. vs. 206. 209. 215. 314. Theocr. I. 41. Apoll. Rh. I. 739. 764.

78) Hanc vocem si propter v. 222 non bene excogitatam putaveris, videbis contra illo quidem versu mirum in modum confirmari.

certae imaginis formam neque omnino artificii rationem severe teneret. Et hac autem re et quattuor versuum ambitu eam accedere cognosces ad priorum imaginum summam similitudinem; quibus quin ab eodem poeta addita sit spero fore ut non dubites. Quod quidem ipsa comparatione illa ὥστε νόημα adiuvari videbis; ea enim ipsa verbum in hymni ad Apollinem loco illo leguntur unde deorum chori descriptionem fluxisse vidimus. Cogitavit autem Perseum sine dubio ad Medusam festinantem ut eam interficeret. — Huius igitur descriptionis loco copiosior paulo et ad artis monumentorum similitudinem conformata substituebatur haec

ἐν δ' ἦν ἡνύκμον Δανάης τέκος, ἵπποτα Περσεύς,
 χρούσεος· ἀμφὶ δέ μιν κίβισις θέε, θαῦμα ἰδέσθαι,
 ἀργυρέη· θύσανοι δὲ κατηρωεῦντο φαεινοὶ
 χρυσεῖοι ⁷⁹. δεινὴ δὲ περὶ κροτάφοισιν ἄνακτος
 κεῖτ' Αἰδὸς κυνέη νυκτὸς ζόφον αἰὼν ἔχουσα.
 ἔπιπτο δὲ σπένδοντι καὶ ἐρρόγοντι εἰοικώς.

Aptissime iam vides de ipso Perseo, cuius tergum pera circumdat, verba dici ἀμφὶ δέ μιν κίβισις θέε ⁸⁰; ensen autem et alata talaria ἡνύκ aegre desiderabis, quae in pluribus imaginum illarum non habuimus; Medusae denique nomen quae non conspicitur recte omittitur. Hae igitur descriptiones postea versu 223 inserto coniungebantur; quem unde sibi conformaverit consarcinator ille, infra videbimus luculentum vestigium inveniri ⁸¹.

Quinque igitur imaginum seriem accepimus ita inter se convenientium, ut eas ab uno poeta profectas habere nemo dubitaturus sit, Martem, Palladem, deorum chorum, portum et Perseum; quae et describendi genere inter se congruunt et aequali singulae quattuor versuum ambitu describuntur. Hisce autem praecedentes duas et inter se et a sequentibus diversissimas esse cognovimus; de quarum ratione postea exponetur. Nunc enim primum de earum imaginum serie quaeram, quae Persei descriptioni additae leguntur; quae quantopere ab omnibus superioribus diversae sint quamquam

⁷⁹) Haec verba videri possunt Homeri imitatione orta esse, II. II. 448. τῆς ἑκατὸν θύσανοι παγχρύσειοι ἡερέθονται.

⁸⁰) Guletus iam voluerat pronomen μιν de Perseo accipi; quod quidem sic quomodo haec vulgo coniuncta leguntur fieri non posse apparet.

⁸¹) Mirum de his verbis extat testimonium in additamento quodam ad Apollodori II. 4. 2. adscripto, quo et Pindaro et Hesiodo tribuuntur; nisi forte verba illa corrupta sunt.

puto a Lehrsio satis luculenter demonstratum esse, tamen qua ratione insertae illae et qua via paulatim auctae sint videtur mihi paulo certius definiri posse.

Duarum igitur urbium ex HomERICA scuti Achillis descriptione sumptarum primum alteram voluptatibus diversi generis splendorem (270—313), quae apud Homerum prima est (II. XVIII. 491—508), considerabo. Atque duarum rerum quas Homerus in ea accidere narrat, nuptiarum et litis civium, priorem solam videmus nostrum imitatione expressisse v. 272—280, ipsis plerisque verbis ex Homero petitis, ἡγοντο 274 = ἡγίνεον Hom. 493, αἰδομένων δαΐδων 275 = δαΐδων ὑπο λαμπομενάων 492, πολὺς δ' ὑμέναιος ὀρώρει 274 = H. 493, deinde vs. 277 sq.

τοῖσιν δὲ χοροὶ παίζοντες ἔποντο.
 τρεῖς μὲν ὑπὸ λιγυρῶν αὐρίγγων ἔεσαν αὐδῆν,
 [ἔξ ἀπαλῶν στομάτων, περὶ δὲ σφισιν ἄγνυτο ἡχώ.]
 αἱ δ' ὑπὸ φορμύγγων ἄναγον χορὸν ἱμερόεντα.

conformatis ad exemplum Homericorum vs. 494

κοῦροι δ' ὀρχηστῆρες ἐδίνεον, ἐν δ' ἄρα τοῖσιν
 αὐτοὶ φόρμιγγές τε βοῆν ἔχον.

Addita deinde brevi comissionis descriptione (281—283) non ex Homero petita transit poeta ad enarranda ea quae ante urbis portas accidunt, ipso consilio ab Homero alieno; in quibus primum equitatum commemorat v. 285; deinde breviter reddit Homericas segetis, messis et vindemiae imagines 287—300, quarum unaquaeque apud illum propriam imaginem efficit (541—549, 550—560, 561—572), ubi rursus singulas voces illinc petiit, ἀροτῆρες 286 = 542, βαθὺ λήϊον 288 = 550, ἡμῶν αἰχμῆς ὀξείησι 288. 289 = ἡμῶν ὀξείας δρεπάνας ἐν χειρὶν ἔχοντες (= Hes. 292.) 551⁸², ἐν ἐλλεδάνοισι δέον 291 = 553, ἐτρίγων 292 = τρυγόφρον 566, ἐν ταλαροῖς ἐφόρευν 293 = πλεκτοῖς ἐν ταλαροῖσι φέρον 562, μέλανες βότρυες 291 = 562, ἀργύρεαι κάμακες 298 = 563, βορίθμενος σταφυλῆσι 295 = σταφυλῆσι βορίθουσαν ἀλωήν 561. Quibus peractis adicit pugilatum et luctationem 301, venationem 302—304, denique curruum certamen 305—313, quorum omnium nihil apud Homerum legimus. — Haec vero omnia non ab uno homine esse

82) Videmus non prorsus firma memoria poetam illa imitatum esse, qui haud perspicue distingueret, quae apud Homerum ad diversas imagines pertinerent.

conscripta, cum e mira illa rerum diversissimarum coacervatione partim ab Homero sumptarum partim ex ipsius poetae ingenio profectarum, tum vero eo recte affirmamus quod maxima cum obscuritate et negligentia haec omnia coniuncta sunt. Atque in eis primum quae extra urbem fiant tria maxime reprehendenda esse Lehrsius rectissime intellexit; primum quod haec omnia, quae inter se maximopere sint diversa, tam diverso singula verborum ambitu describantur; deinde quod non sint coniuncta quae ipsius rei similitudo coniuncta esse postulaverit; postremo quod nusquam fere singularum partium termini pro certo dignoscantur. Haec duo quae postremo loco posui in eis maxime locum habere apparet, quae ad agriculturam pertinent. Hisce enim primum divelluntur equitatus 285, pugilatus et luctatio 301, quae inter se similia sunt; tum vero in illis potissimum singularum rerum terminos haud certo dignosci dicere possumus (cf. 288. 292); quibus accedit quod agriculturae descriptio ipsa ab Homero sumpta eis inserta legitur quae ab Homero aliena sunt. Ipsam nunc verborum coniunctionem si adspicimus, videmus agriculturae descriptionem sine ullo sententiae aut constructionis dispendio eximi posse; cuius rei tam certa verbis insunt vestigia ut cum istis offensionibus quas antea exprompsi coniuncta nihil dubitationis relinquant. Verba enim quibus certamina continuantur οἱ δ' ἐμάχοντο 301 eodem versus loco leguntur quo ea quibus agricultura incipit, οἱ δ' ἀροτῆρες 286; illa vero quae versus 301 initio leguntur οἱ γὰρ μὲν ἐτράπεον, τοὶ δ' ἤρπον neque Homeri exemplo orta sunt et vindemiae descriptionem incommode augent diverso ab illa negotio. Quamobrem nullus dubito quin omnibus istis antea omissis haec fuerit genuina verborum coniunctio

285 { νῶθ' ἱππων ἐπιβάντες ἐθύνον. οἱ δ' ἐμάχοντο.
301 {
πῦς τε καὶ ἑλκηδόν.

quorum loco alius Homericam illam agriculturae descriptionem recitaverit versu aut 295 aut 298 (seu 300) finitam⁸³. — Sed ne

83) Trium enim hic recensitionum vestigia Dindorfius (adnot. ad h. l.) detexit, primam vs. 293—295, alteram eorum loco vs. 296—298, tertiam pro 298 vs. 300 exhibentem (vs. 299 ab optimis codicibus abest); quarum altera id agi videtur ut proferatur aliquid quod ad artificium spectet; indicatur enim materia et Vulcanus scuti artifex nominatur. — Sed praeterea in hac agriculturae descriptione versum 290

ea quidem quae iam ex eorum numero quae extra urbem fieri dicuntur ut genuina retinuius ita comparata sunt ut ea sic ab nno homine exhibita esse credere possimus. In quibus summo cum iure Lehrsius diversum verborum ambitum notavit; nam cum primum equitatu, deinde pugilatu et luctatione vix singuli versus expleantur, curruum certamen novem integris versibus describitur. Cuius argumenti vis eo non infirmatur, quod hanc descriptionem ab initio breviorē fuisse pro certo cognosci potest. Nam si describendi generum discrimen illud in ea adhibemus, invenimus quae sibi prorsus sint contraria; cum in prioribus versibus certae imaginis cogitationem prorsus omitti orationemque ad concitatam propemodum narrationem accedere videamus (308. 309) ubi curruum rotas sonasse adeo poeta dicit contra imaginis naturam (309), contra postremis versibus artificii cogitationem retineamus materia indicata et Vulcano nominato. Quibus cum primum vocis *ἄεθλον* (305. 311) deinde maxime incommoda verborum *ἔχον πόνον* (305. 310) repetitio accedat, pro certo mihi effici videtur duplicem hic recensioem huius imaginis coniunctam esse utramque eodem versu incipientem, alteram versibus 305—309 comprehensam,

305 πὰρ δ' αὐτοῖς ἱππῆες ἔχον πόνον, ἀμφὶ δ' ἄεθλοῖς
δῆριν ἔχον καὶ μόχθον etc.

alteram versibus 310—313 ⁸⁴,

πὰρ δ' αὐτοῖς ἱππῆες ἔχον πόνον, οὐδέ ποτέ σφιν
νίκη ἐπηνύσθη, ἀλλ' ἄκριτον εἶχον ἄεθλον.
τοῖσι δὲ καὶ προὔκειτο μέγας τρίπος ἔντος ἀγῶνος,
χρίσειος, κλυτὰ ἔργα περίφρονος Ἡφαίστιο

quae cum coniungerentur, inserebantur quae versus 310 initio leguntur, in quibus primum *ἄιδιος* vocabulum epicis poetis non esse usitatum observavit Hermannus, deinde molestissime contra metrum

βριθόμενα σταχύων, ὥς ἐι Δημήτερος ἄκτιν

plures ob causas suspectum habeo. Cuius prior pars ad versus 295 sive 300 similitudinem coacta est: in altera vero verbum *ὥς ἐι* sensum non habet, quo apparet voluisse aliquem imitari formulas illas imaginis rationem significantes, quarum tamen vim non perspiceret. *Δημήτερος δ' αὖτις* sumptum ex Op. 461.

84) Hanc autem ab eodem homine profectam existimo, eodemque consilio conscriptam, quo alteram vindemiae recensioem (296—298), ubi versus 297 et 313 inter se simillimos esse videbis.

peccatur⁸⁵. Hanc autem curruum certaminis descriptionem etiam sic ut fecimus in brevius contractam et versuum ambitu et ipsa describendi ratione a prioribus illis certaminibus distare vides; ea enim verbo tantum commemorantur, curruum autem certamen copiose describitur. Quibus accedit primum, quod his certaminibus, quae cum inter se similia essent coniuncta esse debebant, non concinne interponitur venatio, quae ferri posset in fine posita; deinde quod vel similia inter se erant equitatus (285) et curruum certamen (ἰππῆες) quam quae ab uno poeta quasi diversa in una imagine exhiberentur⁸⁶. Quibus omnibus mihi effici videtur, priora

85) Nam plurimi codices exhibent *οἱ μὲν ἄρ' ἀττίδιον ἔχον πόρον*, nonnulli *εἶχον*, cum in solo Mediceo 3. Goettl. (Flor. B. Lenn.) inserta particula *δὴ* legatur. Codex autem ille quamvis omnium qui carmen nostrum servariat antiquissimus sit, haud tamen dici potest sincerius quam ceteri genuinae lectionis testimonium praebere; cuius scribam cognoscere licet pluribus locis poetae verba suo ipsius arbitrio, plerumque metrorum restituendorum causa, immutasse. Huc pertinent verborum transpositiones *Ἀητοῦς καὶ Ἀνὸς υἱός* v. 202 et *ἐνὶ δεινοῖσιν δὲ καρήνοις* v. 238, quorum causam facile cognoscimus; tum verba *ὅτε περ* v. 397, cum in libris traderetur *ὅτε*, veram autem lectionem *ὅτε τε* firmatam versu II. II. 471. praebeat Etym. M. p. 465, 38; plures denique Theogoniae loci, maxime v. 32 *ὄψρα κλύοιμι* pro *ἴνα κλύοιμι*, corrupto ex *ἴνα κλείοιμι*. Horum igitur numero etiam *δὴ* illud v. 310 adscribendum est, quod metri restituendi causa inseruit huius codicis scriptor. De quo codice pauca addam. Duarum enim scuti codicum familiarum quas recte distinxit Rankius p. 322sq. cum prima (cui praeter Rankianos libros e Lennepianis adnumerandus est Flor. C = Med. 1 Goettl.) nonnullis locis ita convenit Med. 3. ut cum illorum exemplo archetypo communem fontem habuisse dicendus sit. Communes enim ei sunt cum illis depravationes *πόληας* pro *πόληα* v. 103, omissa *νυ* particula v. 116, *διαπραθῆειν* pro *πραθῆειν* v. 210, *δονέοντο* pro *ἐκλονέοντο* v. 357, maxime autem memorabilis *ἐρσίν* pro *ᾠοιδίν* Theog. 83. (cf. Mützell. p. 386) etc., propriae autem ipsi sunt corruptelae velut *γεύξασθαι* pro *γεύξασθαι* v. 112, *Πιερίδες* pro *Πιερίδες* v. 206, *ἐλάειν* pro *ἐλέειν* 337, omissus vs. 378, omissum *δεινόν* verbum 438.

86) Hoc etiam confidentius contendere ausim, si recte suspicer poetam tribus istis prioribus recordatum esse certaminum illorum quae Homerus II. XXIII. 262sq. in Patrocli honorem celebrata esse narrat, quorum prima sunt curruum certamen (*ἰππεῦσιν ποδώκεσιν* 262), *νυγμαχίη* (653) et *παλαισμοσύνη* (700); quam respexisse nostrum prodire videtur e voce *ἐλκιδόν*, cf. *ἐλκόμενα* II. 23. 715. Tum enim si pro curruum certamine noster equitatum substituit, certe non poterat praeterea curruum certamen addere.

illa certamina et curruum certamen non ab eodem poeta profecta esse. Quod quomodo accuratius explicandum videatur, postea indicabo. Nam sic quoque multum mihi abesse videtur, quominus huius imaginis pristina forma restituta sit. In cuius priorē parte in ipsis verbis apertissima conspiciuntur interpolationis vestigia ab Hermanno monstrata; qui mihi tamen ipse in restituendo genuino versuum ordine haud feliciter versatus esse videtur. Qui cum ferri non posse iudicaret primum repetitum *πρόσθ' ἔκιοι* 278. 284., deinde similia verba *ἀγλαΐαις τε χοροῖς τε* v. 272. et *θαλαίαι τε χοροῖς τε ἀγλαΐαις τε* 284., postremo simillimos inter se versus 282. 283.

*τοί γε μὲν αὖ παίζοντες ὑπ' ὀρχηθμῶ καὶ αἰοιδῇ,
τοί γε μὲν αὖ γελῶντες ὑπ' αὐλητῆρι ἑκάστος*

triplicem hic recensionem cognosci arbitratus est, quarum prima versus 270—281 et 292 sq. continuisset; ubi tamen primum vs. 281 haud apte nuptiis additur, cuius diversa est notio, deinde agriculturae descriptio ab Homero petita divellitur. Alteram recensionem comprehendisse putat vs. 270—274 omissis verbis *τοὶ δ' ἄνδρες* — *ἔχον* mutatisque *τοὶ μὲν γὰρ* in *τοὶ δ' ἔνδον*, quae responderent versui 285, deinde vs. 282 et 284—291. Sic vero divellitur nuptiarum descriptio, quam credi convenit unum poetam ab Homero totam recepisse. Tertiam denique constituisse voluit versibus 270—274, 283 et 287 sq., ubi ne saltatio omitteretur, *ῥεῖκον* in *πέπληγον* mutandum esset; quam quidem minime omnium ferri posse puto; ea enim quae secuntur apparet nullo modo posse ad saltationem pertinere; deinde sic quoque agriculturae initium obscuratur. — Mihi ut de his recte iudicetur hic quoque distinguenda esse videntur quae ab Homero petita sint, quae non sint; in his enim certissime plurium poetarum consilium perspicitur. Totum autem illud consilium addendorum talium quae extra urbem fierent vidimus ab Homero alienum esse; neque cum imaginis cogitatione (nisi eam ingentis magnitudinis fuisse arbitramur) apte conciliari posse videtur, quod in ipsa urbe nuptiae celebrantur, ante portas autem eius diversi generis oblectationes conspiciuntur. Nunc vero ipsa eorum quae extra urbem fiant descriptio verbis *πρόσθ' ἔκιοι* e versu 277 repetitis introducitur, eis autem adduntur verba illa *θαλαίαι τε χοροῖς τε* versui 272 simillima, quibus praeterea breviter comprehendi videntur quae 277—280 de saltatione dicta erant. Quibus rebus certissime mihi cognosci videtur duplex recensio. Prima enim ea-

que genuina nuptiae tantum describebantur usque ad versum 280⁸⁷, eorum autem quae extra urbem fierent nihil legebatur; altera vero saltatio (277—280) mittebatur sive potius brevissime comprehendebatur (284), continuo autem post vs. 276 quae extra urbem fierent describebantur hoc modo

276 χειρὶν ἐνὶ δμῳῶν. ταὶ δ' ἀγλαΐη τεθάλυται

284 πρόσθ' ἔκιον· πᾶσαν δὲ πόλιν θυλλῖαι τε χοροὶ τε
ἀγλαΐαι τ' εἶχον. τοὶ δ' αὖ προπαρόισθε πόληος etc.

Hae vero recensiones cum postea coniungerentur, ne alterum πρόσθ' ἔκιον sine coniunctione prioribus adderetur, insertam esse puto brevem illam comissionis descriptionem vs. 281 sq.⁸⁸, quam haud commode cogitaveris in ipsa iam priore recensione, in qua omnia ab Homero sumpta erant, additam esse; quod cum argumenti diversitate, tum etiam nimis diverso versuum numero mihi confirmari videtur⁸⁹. — Genuinam igitur e tota hac imagine non nisi nuptiarum descriptionem ab Homero petitam retinimus.

Itaque iam ad praecedentem imaginem pergamus, qua pugna de obsidenda urbe describitur vs. 236—270. Hic quoque praeter cetera ea discernenda erunt quae ad Homericorum verborum imitationem (Il. XVIII. 509—540) expressa sint. Versibus primum 237—240 breviter comprehendi videri possunt quae apud Homerum multo copiosius narrantur, quamquam neque re neque verbis omni ex parte cum eis conveniunt (comparare tantum possis *πραθέειν* 240 cum *διαπραθέειν* Il. 18. 511). Quae deinde vs. 241—248 de mulieribus in turribus clamantibus senibusque extra portas precantibus exponuntur, his ea redduntur quae Homerus duobus versibus 514. 515. protulerat

87) In quibus tamen de v. 278 ἐξ ἀνδλῶν στομάτων, περὶ δὲ σφισιν ἄγνυτο ἤχῳ admodum dubito. Nam mollia ora illa quid sibi velint nemo dicat; echus significatio imaginis naturae non convenit, verba autem sumpta e versu 318.

88) In qua versus 283 sine dubio postea additus est habendus; nam primum τοὶ γὰρ μὲν αὖ verbis oppositio fieri nequit, deinde verba ὅπ' αὐλητῆρι ἔκαστος prorsus sunt superflua cum totus comus ὅπ' αὐλοῦ celebretur v. 281.

89) Comissionum morem ad posteriorem aetatem esse referendum observavit Heinrichius p. LIX. Unde tamen certi nihil colligi posse apparet, quod nobis alicuius momenti sit.

τεῦχος μέν ῥ' ἄλοχοί τε φίλαι καὶ νήπια τέκνα
ῥύατ' ἐφρεσταότες, μετὰ δ' ἄνδρες οὕς ἔχε γῆρας.

Omnium denique quae vs. 248—270 de numinibus in pugna praesentibus dicuntur, nihil apud Homerum invenitur, qui tantum vs. 535—538 de una Kere in pugna versante loquitur; unde sane consilium describendarum Kerum sumpsisse videri potest noster; sed prorsus diversa ratione ipsisque verbis diversis hanc rem persequitur. Huic tantum verba 252—254

ὃν δὲ πρῶτον μεμάποιεν
κείμενον ἢ πίπτοντα νεοῦτατον, ἀμφὶ μὲν αὐτῷ
βάλλ' ὄνυχας μεγάλους, ψυχὴ δ' Ἀϊδόςδε κατῆι ⁹⁰

obstare videntur, quae et argumento ipso et voce νεοῦτατον ad Homericorum versuum exemplum conformata esse videntur. Concurrent autem in his versibus complura quibus gravissime offendamus; primum verbum βάλλ' v. 254 singulari numero exhibitum; ubi posses Hermanni explicationem, unam Kerem mutata constructione intellegi, sequi, nisi molestissimus tum rursus in sequentibus versibus sequeretur pluralis numerus. Lehrsius singulari numero hoc significari suspicabatur, singulas Keres singulos sibi viros arripuisse; quod vereor ut omisso ἐκάστη aut simili vocabulo dici potuerit. Tum vero in versibus illis πίπτοντα vocabulum non commode repetitur post πιπτόντων 251. Quibus cum accedat, verba Τάρταρον ἐς κρυβένθ' 255 primum antiquiori aetati non convenire (Tartarus enim pro Hade simpliciter adhiberi non poterat) ⁹¹, deinde etsi possent ferri, prorsus tamen supervacanea esse post verba ψυχὴ δ' Ἀϊδόςδε κατῆι, quae formula apud Homerum usitatissima semper in fine sententiae legitur: certissime mihi hoc loco duplex recensio cognosci videtur; atque genuina quidem verborum coniunctio omissis illis quae ab Homero sumpta sunt haec fuisse

πᾶσαι δ' ἄρ' ἵεντο
αἷμα μέλαν πιέειν· αἱ δὲ φρένας εἴτ' ἀρέσαντο
αἵματος ἀνδρομέον, τὸν μὲν ῥίπτασκον ὀπίσω,
ἄψ δ' ὀμοῦ καὶ μῶλον ἐθύνον αὖτις ἰοῦσαι.

ubi commode restitutum vides concinnum actionis decursum, in quo

⁹⁰) Sic enim (aut κατῆεν) sine dubio reponendum pro inaudito illo κατεῖεν, nisi malis Hermannum sequi scribentem ψυχὴν δ' Ἀϊδόςδε κατῆεν. ψυχὴν enim multi codices exhibent.

⁹¹) Heinrich praef. p. LIX. Goettling. ad h. l.

tantum de sanguine bibendo dicatur; horum autem loco ab alio quodam Homerum imitatore haec substituta esse

πάσαι δ' ἄρ' ἔεντο

αἶμα μέλαν πιεῖν· ὃν δὲ πρῶτόν γε μεμάρποι
 κείμενον ἢ πίπτοντα νεούτατον, ἀμφὶ μὲν αὐτῷ
 βάλλ' ὄνυχας μεγάλους, ψυχὴ δ' Ἀιδόσδε κατῆε.

ubi γε μεμάρποι pro μεμάρποιεν non omni ex parte mea coniectura scripsi, sed codicum vestigiis insistens, quorum consensus ostendit in codice nostrorum archetypo fuisse μεμάρποιεν⁹². Singularem autem numerum posuit Homerum secutus qui de una tantum Kere narraverat. — Iam videmus totam hanc descriptionem in duas partes dividi, priorem et minorem ad Homeri exemplum expressam, alteram et maiorem ab Homero alienam, qua de belli numinibus agitur. Hanc vero ipsam sic ut legitur ab uno poeta non esse profectam mihi persuasum est. Numinum enim illorum, Kerum (248—257) Parcarum (258—263) et ἄχλυος (264—270) etsi non prorsus eadem sit significatio, in universum tamen inter se conveniunt eo quod mortem significant quem homines in pugna patiantur; atque Keres quidem mortem violentam hominibus inferunt; Parcae cum de omnibus hominum sortibus tum etiam de morte eorum decernunt, de qua paulo sane insolentius poeta dimicantes eas inducit⁹³; Achlye denique, quae propria est nostro nec usquam alibi ita adhibita est, id potissimum agi videtur ut occisi alicuius et in terram prostrati externa facies quam foedissime describatur⁹⁴. Haec

92) Videtur μεμάρποιεν, si Goettlingii silentio fides est, in solo Med. 3., de quo supra dixi, extare; quae forma omnino prorsus inaudita est, cf. vs. 245 μέμαρπεν, Op. 206. μεμαρπώς. Tantum ubi reduplicatio omittitur, q litteram omissam videmus, μαπέειν. 231., cf. adverbium ἐμπατέως 442. Triclinius etiam legisse se testatur μεμάρποιεν, cum in codice suo Ven. 2. metri restituendi gratia scripserit μάρποιεν.

93) Versus 261—263 plurimi interpretum de Keribus dici putaverant; quibus cum tamen prorsus diversa pugnandi ratio quam in superioribus describeretur, Lehrsius hic duplicem recensionem statui posse suspicatus est, quarum altera (252 sq.) singulae Keres singulos sibi viros arripent (censuit hoc propter βάλλ' verbum, de quo nobis aliter iudicandum visum est) altera (261 sq.) omnes de uno dimicarent. Huius postremae recensionis quae fuerit genuina forma vix sine artificibus assequaris. Neque Kerum notioni conveniret ut de uno viro dimicarent, quod tamen e Parcarum propria natura prodit. Quodsi quis putaverit non apte Parcas secum pugnantes cogitari, meminerit omnino ab aliis Parcas in bello praesentes hand introductas esse.

94) Cf. Heinr. p. 188. Huius vocabuli notionem non recte intellexe-

igitur numina inter se simillima notione haud crediderim ab uno poeta in pugnae descriptione coniuncta esse. In qua suspicione mirum in modum adiuuamur primum eo, quod hae partes secum ipsae non sunt necessario grammaticae vinculo coniunctae, deinde quod scribendi genere prorsus inter se differunt. Illud luculentissime in Parcarum descriptione conspici iam Hermannus observavit⁹⁵, in qua coniunctionis particula aegre caremus. Ad scribendi et describendi genus quod attinet, Kerum descriptionem videmus in fine maxime ad Homericum genus accedere quod in temporis decursu versatur; initio autem eius cum stridere dentibus dicantur Keres, contra imaginiis naturam peccari⁹⁶. Quae cum in Parcarum descriptione paulo accuratius servetur, hanc rursus unusquisque sentiet admodum esse ieiunam, impolitam et frustulis undique conquisitis compositam⁹⁷. Ab utraque autem ceterisque omnibus quae in hac descriptione leguntur differt ἄχλυσ descriptionis eo, quod consulto in eam omnia coniecta leguntur quae taedium lectori et fastidium moveant⁹⁸. Iam cum satis luculenter patere videatur,

runt qui tristitiam esse sibi persuaserunt, Tan. Faber ad Longin. περὶ ὕψους IX. 26, Goettlingius, Hermannus, Müllerus. Caliginis enim est huius vocabuli notissima apud Homerum significatio, Il. V. 127. XV. 668. XVII. 591. Od. XX. 356.

95) Qui cum nonnisi versus 258—260 ad Parcas pertinere non recte putaret, duplicem hic recensionem agnoscere sibi visus est, quarum altera tantum de Keribus diceretur omissis vs. 258—260, altera nonnisi de Parcis, ubi post versum 248, in cuius fine scribendum esset αἱ δὲ μεταῦτις, statim sequerentur vs. 258—260 et tum 264 sq. Prior illa quam ferri non possit unusquisque videt. — Ceterum olim iam virum doctum aliquem totam Parcarum descriptionem postea insertam habuisse testatur Heinrichus p. 184, ipse multas ob causas in ea offendens.

96) Quamobrem caveas ne haec ab artis operibus sumpta esse credas; quamvis teste Pausania (V. 19. 1) in arca Cypseli Ker fuerit repraesentata „ὀδόντας ἔχουσα οὐδὲν ἡμερωτέρους θηρόντων, καὶ οἱ καὶ τῶν χειρῶν εἶσιν ἐπιχαμπεῖς οἱ ὄνυχες.“

97) Huc primum traham miras ambages quibus Atropos earum dieffew natu maxima et gravissima esse; ubi ὑφήσσων verbum prorsus inauditum, verba ἀλλ' ἄρα ἢ γε similia vs. Il. XIX. 93. Versu deinde 261 verba μυχὴν ὀριμεῖαν ἔθεντο sumpta e v. 411; versu 262 nota illa formula δειδὼν δεχόμεναι ad versus spatium extensa; maxime autem ineptus versus 263 propter coniuncta verba ὄνυχας χεῖρας τε θρασείας et propter inauditam vocis ἰσάσαντο notionem; nisi forte hoc verbum corruptum est.

98) Offenderunt in ea iam veteres, Longin. περὶ ὕψους IX. 26.

non esse haec numina omnia ab uno poeta exhibita sed aliam alius in locum substitutam a diversis poetis descriptionem, quaenam fuerit veterrima quaerendum videtur. Verum enim vero si ut de hac re certi aliquid assequamur horum omnium cum sequenti laetae urbis imagine coniunctionem consideramus, videmur in novas incurrere difficultates; cum prorsus non coniuncta ea esse nobis appareat. Nam verba *δάκρυσι μυδάλει*, quae versus 270 initio leguntur, primum si grammaticam rationem spectamus, cum praecedentibus non cohaerent, deinde si sententiam consideramus eis quae de Achlye dicuntur prorsus inutiliter adduntur; nam quivis sentiet frigide et superflue foedis illis pulveris, sanguinis et cuiusque generis sordium imaginibus postremo etiam lacrimas adici. Vnde si argumentum sumpseris Achlyis imaginem inter numina illa non esse veterrimam habendam, videbis electa illa cum ceteris multo etiam minus coniunctionem fieri posse; nam neque de Parcis neque de Keribus dici possunt verba *δάκρυσι μυδάλει*. Ad hanc difficultatem dirimendam mihi ea consideratio plurimum facere videtur, quod Kerum descriptio etiam cum eis quae praecesserint non ita cohaereat ut haec ab uno poeta coniuncta esse dici possint. Nam cum versibus 237—241 de pugna locutus esset poeta, deinde de mulieribus et senibus lamentantibus sex versibus exposuisset, non concinne videtur ad pugnam redire; quod ipsis verbis *τοὶ δ' αὖτε μάχην ἔχον* vs. 248 senties quam inepte instituat. Maxime si Kerum descriptionem poeta addere voluit, hoc facere debuit post occisorum commemorationem (241), quemadmodum fieri videmus apud Homerum vs. 534

βάλλον δ' ἀλλήλους χαλκήρεσιν ἐγχέεισιν.

ἐν δ' ἔρις, ἐν δὲ κυδοιμὸς δμίλειον, ἐν δ' ὀλοὴ κήρ etc.

Hisce postremo accedit quod supra iam vidimus mulierum illam descriptionem ab Homero sumptam esse, Kerum non esse. Eo autem convenit nuptiarum imago cum priore illa, quod ipsa ad Homeri exemplum expressa est. Atque de mulieribus quidem aptissime dicuntur quae nuptiarum imaginem praecedunt verba *δάκρυσι μυδάλει*. Equis igitur dubitabit duarum urbium descriptionem ab initio his versibus comprehensam fuisse, omissis omnibus quae etiam ab Homero absint,

259 *τοὶ μὲν ὑπὲρ σφετέρης πόλιος σφετέρων τε τοκῶν
λοιγὸν ἀμύνοντες, κοὶ δὲ πρᾶθέναι μεμαῶτες.*

πολλοὶ μὲν κέατο, πλέονες δ' ἔτι δῆρ' ἔχοντες

μάρναντ'· αἱ δὲ γυναικες ἐϋδμήτων ἐπὶ πύργων
 χάλκεον ὄζυν βόων, κατὰ δ' ἐδρίπτοντο παρειάς,

270 δάκρυσι μὲν δάλλεαι, παρὰ δ' εὐπυργος πόλις ἀνδρῶν
 e. q. s. usque ad v. 280? Nam et versu 244

ζωῆσιν ἵκεται, ἔργα κλυτὰ Ἑφαίστοιο

qui huic describendi generi non convenit, et eis omnibus libenter caremus, quae de senibus dicuntur v. 245 sq.; primum enim vix credibile est voluisse poetam ea quae Homerus duobus versibus comprehendisset tam copiose enarrare, deinde haud apte dicuntur senes extra portas stare in ipso loco ubi pugnatur⁹⁹. — Haec autem omnia ab eo superioribus addita sunt habenda qui Kerum descriptione adsuta obsessae urbis imaginem augetet. Huius autem mihi non omittenda esse videtur mira quaedam scribendi generis similitudo cum curruum certaminis (305) imagine; in quarum utraque habeamus quae artis naturae obstant (249. 309.) orationemque ad narrationem accedentem (255—257, 308—309), denique similium verborum repetitionem *δῆριν ἔχον* 251. 306. Has igitur imagines ab eodem homine confectas et duarum urbium descriptionibus additas esse crediderim; nam curruum certamen, quod cum ceteris illis certaminibus quae praecederent ab initio coniunctum non fuisse apparuit, nihil obstat quominus statim versui 280 ab aliquo additum cogitemus.

Sed gravissima restat et difficillima quaestio de obsessae urbis imaginis initio. Atque additam quidem eam videmus ei Persei imaginis parti, quam non esse genuinam supra cognovimus, ita quidem ut postquam Gorgones Perseum persequentes commemoratae sint sic pergatur v. 236

ἐπὶ δὲ δεινοῖσι καρήνοις

Γοργείοις ἐδονεῖτο μέγας φόβος· οἱ δ' ὑπὲρ αὐτέων
 ἄνδρες ἐμαρνάσθην πολεμήϊα τεύχε' ἔχοντες,
 τοὶ μὲν ὑπὲρ σφετέρης πόλιος σφετέρων τε τοκίων
 λοιγὸν ἀμύνοντες, τοὶ δὲ πρᾶθεῖν μεμαῶτες.

Verba enim ἐπὶ δὲ — φόβος ad hanc imaginem, non ad praecedentem pertinere mihi Goettlingius rectissime statuisse videtur, quae si ad priora pertinerent prorsus explicari non possent, cum sequentibus autem coniuncta facile sic explicantur ut φόβος vocabulo

⁹⁹) Bonis sane codicibus firmatur lectio a Dindorfio recepta *ἐντοσθεν* pro *ἐκτοσθεν*. Sed omnino non velle poeta videtur conspici etiam ea, quae intra urbem fiunt.

bellum generaliter significetur, similiter ut II. V. 739. ἦν πέρι μὲν πάντῃ φόβος ἔστεφάνωται hoc verbum alio modo explicari nequit. Habet sane etiam hoc aliquid miri, bellum primum hoc incertiore vocabulo indicari, deinde luculentius describi. Magis etiam mirum est quod haec pugna tam certo dicitur supra Gorgonum capitibus accidere, de quarum ipsarum loco ubi in scuto cogitandae sint nihil prolatum erat. Supersunt alia in illis versibus quae vix explicari possint, haud minoris illa momenti. Nam quamquam e sequentibus colligatur voluisse poetam Homericas illas urbes imitandas sibi sumere, haud intellegimus cur neque a principio hoc perspicue significetur neque utriusque imaginis initio oppositio clarius indicetur. Cuiusmodi in obsessa quidem urbe tantum abest ut aliquid indicetur ut ne ab initio quidem dicatur omnino, de urbe pugnari, sed duobus demum versibus (237. 238.) praemissis hoc sequatur; alterius autem urbis descriptio cum medio versu incipiat ipsa obstat quominus clara fiat talis oppositio. Postremo vel eius rei causam non intellegimus, cur poeta ordinem quoque Homericum reliquerit, apud quem laeta urbs primum obtinet locum. Quibus omnibus effici videtur in prioribus versibus Homeri imitandi consilium nondum pro certo adfuisse. Huius autem difficultatis certissima explicatio inde mihi petenda esse videtur quod verba illa quibus haec imago incipit imitatione sint expressa versuum qui in ipso carmine nostro leguntur 147. 148., quorum cum illis similitudinem brevissime iam Hermannus significavit. Hoc vero plenius et luculentius demonstrare non prius potero quam de tota prima scuti imagine diversisque eius partibus certius iudicare conatus fuerim.

Accedo igitur ad considerandas priores duas scuti imagines draconis (144–160) et serpentum (161–167), de quibus coniuncta debet esse quaestio propterea, quia alteram ad alterius imitationem confectam esse Lehrsii acumine patefactum est. Hoc pluribus indiciis certissime cognoscitur; repetita enim in utraque habemus verba οὔτι φατειός (144 = 161), repetitum integrum versum 150 = 163 οἴτινος ἀντιβίην πόλεμον Διὸς νῆϊ φέροιεν, cui etiam quae praecedunt 149. 162. eandem sententiam prae se ferunt; simillimis porro verbis addita quae de dentibus dicuntur 146 = 161 τοῦ καὶ ὀδόντων μὲν etc., postremo ipsam rem simillimam, quoniam δράκοντες et ὄφεις ab epicis non distinguuntur (II. XII. 302. Theog. 322) ¹⁰⁰. Quae imagines cum coniunctae ab

100) Quamobrem mihi lectio δ' ἀδάμαντος pro δὲ δράκοντος, quam

uno poeta exhiberi non potuissent, genuinam esse serpentum imaginem Lehrsius arbitratus est, quia draconis imago praeter imitationem etiam inutiliter aucta esset et obscurata. Verumtamen mihi additamentorum quae in priore imagine leguntur plurimorum ea videtur esse conditio, ut non ab imitatore exornandi causa, sed

ea scholia exhibent quae sub Tzetzae nomine feruntur, consideratione digna non videtur esse. De variis autem lectionibus, quae in his scholiis inveniuntur, paulo certius mihi videtur iudicari posse. Sunt enim in codicibus nostris duo, qui cum inter se fere ubique conspirent a ceteris omnibus diversi sunt, Parisinus I (Rankii A, cf. p. 292. 326. Mützell. de em. th. p. 158) et Venetus I. Perspicitur hoc communibus utrique corruptelis quae a ceteris omnibus absint, τῶν γ' ὑπὸ ζεῖο pro τῶν ὕγ' ὑπὸ ζεῖο v. 21, ὅς καὶ νῦν pro ὅς νῦν v. 99, γήρῃ τε μέμαρται pro γήρῃς τε μέμαρται v. 215, αἰοιδὴν pro αὐθιγὴν v. 278, πέλεν pro ῥέεν 314, omissum ὕδωρ 317, omissum αἰψ' 464. Eisdem autem codicibus videmus pluribus locis veram lectionem solis inesse quae in ceteris omnibus sit corrupta. Sic primum vs. 160, ubi antea scribebatur καμαχχοί τε βεβρυχία, quod ferri nequit, exhibent illi quod pridem coniecerat Ruhnkentius, βεβρυχία. Versu deinde 375 pro ἀποθρῶσκουσιν, ἐν' ἀλλήλαις δὲ πύσσωσιν praebent ἀποθρῶσκουσαι ἐν' ἀλλήλαις πύσσωσιν, quod multo aptius et concinnius est; nam in ἐν' ἀλλήλαις verbis comparationis vim sitam esse iam Rankius intellexerat. Porro v. 406 praebent μάχονται pro μάχεσθον, unde si Hermannum sequaris verum dixeris esse μάχονται. Certe facile librarius eo poterat adduci ut dualem efficeret, cum praecessisset κλάζοντε. Exhibent porro *Ιερωησσοῖο* pro *Τερωησσοῖο* Theog. v. 5 (cf. Mützell. p. 33 sq.), γήρῃσασθαι pro μυθίσασθαι (Par. I. in margine) vs. 28, quod facile poterit exquisitius videri (Mützell. p. 374.), ἀπλοστοι pro ἀπλητοι v. 153. (cf. supra adn. 76). Cum his autem ipsis codicibus saepius videmus scholiorum nostrorum auctorem conspirare, sive vera sit lectio aut consideratione digna, ut βεβρυχία sc. v. 160, *Ιερωησσοῖο* Th. 5, γήρῃσασθαι 28, περιδείκει' theog. 513 pro ἀριδείκει', sive aperte corrupta, ut ἔγχτος αἰχμῇ pro ἔγχτος ὀρμῇ scut. 365, στερχνῶς pro στερχνόν 454, γήρῃ τε μέμαρται v. 215, ubi sane ceterae quoque lectiones ei notae sunt. Apparet igitur ex uno exemplo derivatos esse codices illos Venetum Parisinumque et praeterea eum quo scholiastes usus sit; quod exemplum si nobis superesset, facile omnium scuti et theogoniae codicum optimum iudicaretur. In versu igitur 144 si scholiastes lectionem δ' ἀδάμαντος in codice suo invenit, puto eam in hoc ipso depravatione ortam esse, quam ab illorum archetypo abfuisse codicum Ven. I. et Par. I. in lectione δὲ δράκοντος consensus (quibus accedunt ceteri omnes) docet. Quodsi ea coniecturae docti alicuius grammatici debetur (cuius tamen puto nomen indicasset scholiasta, ut fecit vs. 415. theog. 270), non apte eam excogitam dicemus causis supra prolati.

postea ab interpolatoribus adiecta sint habenda. Huc primum ea referenda sunt, quae inde a versu 154, ut plerumque dicitur, de belli numinibus leguntur

ἐν δὲ προΐωξίς τε παλῖωξίς τε τέτινκτο,

ἐν δ' ὁμαδός τε φόβος τ' ἀνδροκτασίῃ τε δεδήκει.

quibus adduntur quattuor versus ex HomERICA descriptione sublecti (II. XVIII. 534 — 537). De his quidem cum multi alii tum etiam Lehrsius dubitavit, qui de duobus prioribus incertus haesisse videtur. Quibus tamen ipsis mihi certissime persuasum est non belli numina personarum forma praedita significari sed verae pugnae imaginem, ubi videamus hostes persequentem victorem, altera autem parte (videbimus enim huius imaginis satis magnum ambitum sibi cogitasse poetam) ab hoste rursus oppressum victorem, denique varia proeliorum genera ¹⁰¹. Nam priora illa quae v. 154 commemorantur cum nusquam personarum vice fungantur (παλῖωξις nota ex Iliadis libro XV, ad cuius exemplum satis inepte poeta sibi finxit alterum προΐωξις), posterioribus notissimum est ab Homero pugnam ubique significari (II. VII. 237. αἰτάρ ἐγὼν εὖ οἶδα μάχας τ' ἀνδροκτασίας τε, cf. XXIV. 548), quod nostrum hic significare voluisse e voce δεδήκει mihi certissime intellegi videtur, cf. II. XII. 35. μάχη ἐροπή τε δεδήκει, XIII. 736. πάντῃ γὰρ σε πέρι στέφανος πολέμοιο δέδθεν. Denique versus 156—159 prorsus hic sensum non haberent nisi pugnae commemoratio praecessisset; quos cur ab alio poeta quam qui 154. 155. scripserit profectos esse credamus iustam causam desidero ¹⁰². Iam videmus horum versuum a draconis imagine tam diversum esse argumentum, ut haec in una imagine cogitari nequeant; immo novam versu 154 imaginem incipere etiam e verbis ἐν δὲ initio positis intellegitur. Hanc autem imaginem non ab eo poeta profectam esse qui draconis imaginem composuerit, e repetita Eridis commemoratione (148. 156)

101) Prior erat sententia Schlichtegrollii, Goettlingii, Hermannii. Quod in vocibus προΐωξις et παλῖωξις fieri non posse Welckerus monuerat, qui hos versus subditicios habuit.

102) Postremum tamen horum versuum 160 δεινὸν δερχομένη καραχῆσι τε βεβρυχηῖα suspectum habeo, qui primum in HomERICA isto loco laud legitur, praeterea et argumenti ineptiis et scribendi generis molestia a ceteris abhorret. Ipsum adeo versum ab una manu haud esse confectum crediderim, sed verbis δεινὸν δερχομένη nescio unde adscriptis cetera postea addita ut versus efficeretur.

certissime mihi effici videtur; quam etsi priore etiam loco postea insertam esse infra ostensurus sim, hoc tamen ipsum ab eo fieri non potuisse apparet qui Eridem iam commemoratam legeret. Huius autem pugnae descriptionis quaenam fuerit genuina conditio, cum in ea modo versemur, paucis quaerere conabor. Et cum earum quidem imaginum serie quae post Lapitharum pugnam leguntur neque describendi genere neque versuum ambitu convenire eam apparet; ipsis autem his rebus similem esse videmus aprorum leonumque pugnae; nam primum in neutra earum aliquid legitur quod ad artis naturam pertineat; tum vero conveniunt orationis quadam inopia, quae in illa ipsis verbis perspiciebatur, hic vero eo quod integri quattuor versus ab Homero sumpti sunt. Utraque porro descriptio, siquidem de versibus 170. 171. recte dubitavimus, sex versibus continetur. Hisce postremo exoptatissimum accedere videmus argumentum, quod ex eodem ut ita dicam fonte fluxerunt imagines illae. Nam in ipsa illa Herculis baltei descriptione Od. XI. 612., unde aprorum pugnam petitam esse supra intelleximus, praeterea representata esse dicuntur

ἑρμῖναί τε μάχαι τε φόνοι τ' ἀνδροκτασίαι τε ¹⁰³

Quorum quae sit cum versu 155 similitudo quivis videt. Itaque in his duabus imaginibus habemus unius poetae operam, qui eam Homeri descriptionem, quae una in eius carminibus ad Herculis arma pertineret, imitari voluisset. Horum autem quae fuerit antea coniunctio postea quaeram. — Ad draconis igitur imaginem redeo; cui cetera quoque illa quibus Lehrsius offendit postea ab interpolatoribus inserta esse mihi certissime persuasum est ¹⁰⁴. Gravissimas primum dubitationes praebent versus 146 sq.

τοῦ καὶ ὀδόντων μὲν πλῆτο στόμα λευκὰ θεόντων,

δεινῶν, ἀπλήτων, ἐπὶ δὲ βλοσυροῦ μετώπου

δεινὴ Ἔρις πεπότητο χορῖσσονσα κλόνον ἀνδρῶν

in quibus Eridem non personae vicem sustinere, sed horrendam tantum draconis adspectum significare plures arbitrati sunt. Huic vero quae tantum cogitaretur Eridi haud convenire versus 149. 150 sensit Lehrsius; deinde omnino terror quem draconis facies

103) Animadverterat hoc iam Schlichtegrollius p. 57. adn.

104) De Hermannii sententia quam p. 207 de duabus prioribus imaginibus protulit, hic ne longus sim nihil dicam; qui quod hic gravissimum erat, alteram ad alterius imitationem expressam esse, haud perspectum habuit.

bellantibus moveat non recte discordiae notione exprimitur. Contra mihi ipsa verba κορύσσουσα κλόνον ἀνδρῶν apertissime ostendere videntur poetam de persona Discordiae cogitasse quae pugnam excitaret in ipsa imagine expressam; in qua sententia adiuvamur locis quibusdam Homericis quos respexisse videtur noster, ut II. IV. 439

ᾧρσε δὲ τοὺς μὲν Ἀρης, τοὺς δὲ γλαυκῶπις Ἀθήνη,
δεῖμός τ' ἡδὲ φόβος καὶ Ἔρις ἄμοτον μεμαυῖα
ἐρχομένη καθ' ὁμίλον, ὀφέλλουσα στόνον ἀνδρῶν ¹⁰⁵.

De hac autem ipsa discordia quomodo versus 149. 150.

σχετλίη, ἣ ῥα νόον τε καὶ ἐκ φρένας εἴλετο φωτῶν,
οἵτινες ἀντιβίην πόλεμον Διὸς νῦν φέροισιν

apte dicantur equidem non video; discordia enim homines ad pugandum incitantur, non ab eo deterrentur, cf. II. XI. 11.

Ἀχαιοῖσιν δὲ μέγα σθένος ἔμβαλ' ἐκάστω
καρδίῃ, ἄλληλκτον πολεμιῖζειν ἡδὲ μάχεσθαι.

Ipsa autem verba illa in serpentum imagine imitatione repetita leguntur (162. 163.), ubi cum de ipsis serpentibus dicantur, iure suspicamur etiam in priore imagine ea antea de dracone dicta fuisse, cui aptissime convenirent. Accedit quod ea quae de dentibus praedicantur in serpentum imagine post versum illum 163 οἵτινες etc., in draconis autem descriptione ante vs. 150 leguntur. Quibus omnibus mihi effici videtur, haec esse transpositione in-scite facta depravata; versus 146 — 148 antea post v. 150 lectos sive auditos esse; draconis autem genuinam descriptionem hanc fuisse.

ἐν μέσσω δὲ δράκοντος ἔην φόβος οὔτι φατειὸς
145 ἔμπαλιν ὅσσοισιν πυρὶ λαμπομένοισι δεδορκώς,
149 σχέτλιος, ὃς ῥα νόον τε καὶ ἐκ φρένας εἴλετο φωτῶν,
οἵτινες ἀντιβίην πόλεμον Διὸς νῦν φέροισιν.
τῶν καὶ ὀδόντων μὲν etc.

105) Erat haec etiam sententia Schlichtegrollii et Heinrichii; nec non ipsius Quinti Symrnaei, cum in scuti sui descriptione haec verba ita redderet V. 31.

ἐν δ' Ἔρις οὐλομένη καὶ Ἐρίνες δβριμόθυμοι
ἣ μὲν ἐποτρύνουσα ποτὶ κλόνον ἄσχετον ἄνδρας
ἐλθέμεν, αἱ δ' ὀλοοῖτο πυρὸς πλείουσιν αὐτὴν.

Haec autem transpositio quam ob causam facta sit, facile intelligitur. Secuntur enim eodem loco tres illi versus

τῶν καὶ ψυχὰι μὲν χθόνα δύνουσι Ἄιδος εἴσω
αὐτῶν, ὅστέα δέ σφι περὶ ῥινοῦτο σαπίσης
Σειρίου ἀζαλέοιο κελαινῇ πύθεται αἶη.

quos certissimis argumentis demonstrari licet ab omnibus quae praecesserint alienos esse. Nam quis non mirabitur quod in imaginis descriptione lector ab eius cogitatione avocetur ad sortem eorum considerandam qui cum Hercule pugnaturi sint? Quod ipsum si voluit poeta, dicendum ei erat eos ab Hercule interfectum iri; quod quasi iam protulisset, statim de fatiis eorum quae post mortem passuri sint exposuit. Haec deinde scribendi genere molestissimo et insulsissimo, cuiusmodi in tota descriptione nihil praeterea invenitur praeter ἄλλος descriptionem, proferuntur; ubi verba χθόνα δύνουσι Ἄιδος εἴσω insolenter coniunguntur, verba Σειρίου ἀζαλέοιο prorsus construi nequeunt. Quibus cum denique accedat similitudo verborum τῶν καὶ ψυχὰι μὲν eorumque quae de dentibus dicantur τῶν καὶ ὀδόντων μὲν, summo cum iure dicimus versus 151—153 eorum loco quae de dentibus dicta essent substituta esse a rhapsodo quodam ineptissimo¹⁰⁶; haec autem postea cum coniungerentur priora illa paucis ante versibus inserta esse, ut utrumque haberet quo pertineret. — Iam multo similiores inter se ab initio fuisse videmus draconis et serpentum imagines; tantum in priore paulo amplius exposita quae de dentibus duobus versibus proferuntur 164. 165. in serpentum imagine. Hinc vero novae oriuntur difficultates; versibus enim illis 146—148, siquidem recte eos supra explicavimus, non solum de dentibus draconis exponitur, sed nova ei imago pugnae ab Eride concitatae adicitur; quae tam obscure prioribus additur et tam breviter describitur ut vix credas eum qui draconis imaginem composuerit hoc ita instituisse. Ipsa adeo verba quibus haec adduntur ἐπὶ δὲ βλυσσοῦτο μετώπων non

106) Videtur ille nonnullos locos Homericos similis argumenti ante oculos habuisse, cf. Il. I. 3. πολλὰς δ' ἰφθίμους ψυχὰς Ἄϊδι προΐαψεν ἡρώων, αὐτοὺς δὲ ἔλωρια τεύχε κύνεσσιν ὠωνοῖσι τε πᾶσιν, Hymn. Ap. 363. ἀλλὰ σέ γ' αὐτοῦ πύσει γαῖα μέλαινα καὶ ἡλέκτωρ Ὑπερίων, Il. XI. 303. Od. I. 161. XII. 45. — Ceterum iam pridem Gaietius de his versibus dubitaverat, deinde censor libelli Schlichtegrollianus; quos etiam Thehrsus ineptissimos iudicavit.

apte de dracone dicuntur, cuius frons nunquam ut eius maxime horrenda pars commemorata est ¹⁰⁷. Haec igitur brevis pugnae imago non e primi poetae consilio videtur draconis imagini addita esse, sed cum aliis quibusdam verbis antea coniuncta fuisse; de qua re certius iudicare poterimus, si iam revertimur ad initium illud obsessae urbis inaginis, cuius causa ad primam imaginem considerandam transieramus (p. 41) Luculentius enim consulto factae imitationis exemplum vix inveniri poterit quam haec praebent

147

ἐπὶ δὲ βλοσυροῦο μετώπου

δεινὴ Ἔρις πεπότητο κορίσσουνσα κλονον ἀνδρῶν

236

ἐπὶ δὲ δεινοῖσι καρῆνοις

Γοργείοις ἐδονεῖτο μέγας φόβος· οἱ δ' ὑπὲρ αὐτέων

ἄνδρες ἐμαρνάσθην πολεμῆϊα τεῖχε' ἔχοντες.

Nam in utroque loco videmus horrendi alicuius monstri capitis commemorationi adiungi pugnae descriptionem eisdem verbis eodem versus loco (ἐπὶ δέ); quod in utraque ita instituitur ut praemitatur numen aliquod bellum generaliter significans (Ἔρις — φόβος) simili motionis vocabulo adhibito (πεπότητο — ἐδονεῖτο), tum vero ipsum bellum sequatur (κλονος ἀνδρῶν — ἄνδρες ἐμαρνάσθην). Quamobrem sicut priora illa non cum draconis imagine coniuncta esse poterant, ita haec posteriora quoque ab initio cum eis non erant coniuncta quae praecedunt ea; his enim id agitur ut Persei imagini arcte adiungantur illa, quae tamen consilio prorsus diverso composita sunt. Quaerendum est igitur de horrenda illa facie quae illis praemissa fuerit; quod quidem mihi et coniectura haud difficile inveniri et ipsis verborum vestigiis indicari videtur. Huiusmodi enim facies vix potest e veterrima mythologia alia cogitari quam Gorgonis; ad quam eo fidentius duci nos patimur, quia totiens antiquissima aetate Gorgonis caput, maxime in scuti imaginibus, ab artificibus repraesentatum esse scimus. Gorgonis autem faciem quam pugnarum imagines circumdarent, Homerus iam clipeis insculptam finxerat, Il. V. 739 de Pallade dicens

ἀμφὶ δ' ἄρ' ὤμοισιν βάλετ' αἰγίδα θυσσανόεσσαν

δεινὴν, ἣν πέρι μὲν πάντῃ φόβος ἐστεφάνωται

ἐν δ' ἔρις, ἐν δ' ἀλκή, ἐν δὲ κρυόεσσα ἰωκῇ,

107) Hoc sensu ducti librarii nonnulli scripserunt προσώπου pro μετώπου (cf. Rank. ad h. l.) quod ipsum draconi non bene convenit.

ἐν δέ τε Γοργεῖη κεφαλῇ, δεινοῖο πελώρου,
 δεινὴ τε σμερδνὴ τε, Διὸς τέρας αἰγυόχοιο
 candemque in Agamemnonis clipeo inesse voluerat, XI. 36.

τῇ δ' ἐπὶ μὲν Γοργῶ βλοσυρῶπις ἔστεφάνωτο
 δεινὸν δερκομένην, περὶ δὲ δαῖμός τε φόβος τε ¹⁰⁸.
 quam descriptionem vel imitatum esse nostrum ex argumenti similitudine et convenientibus vocibus βλοσυρῶπις — βλοσυροῖο μετώπου colligeres. Revera autem Gorgonem hisce de quibus disputamus locis ante pugnam commemoratam fuisse, primum e voce Γοργεῖου v. 237 perspicitur; nam quemadmodum versus 236. 237. nunc leguntur, mutati sunt sine dubio propter praemissam Gorgonum mentionem, cum ipsi antea sic legerentur

ἐπὶ δὲ βλοσυροῖο μετώπου

Γοργεῖον ἔδονεῖτο μέγας φόβος.

deinde id ipsum, quod, haec ut Persei imagini adderentur, adhibita est Gorgonum commemoratio, videri potest ad aliquam similitudinem eorum quae hoc loco antea invenirentur institutum esse. Haec sane pro certo restituere quis audeat? adhibitis tamen similibus illis Homeri locis non multum a veritate aberraverimus, si hanc fere fuisse prioris descriptionis genuinam formam coniciamus

ἐν δ' ἦν Γοργεῖη κεφαλῇ, δεινοῖο πελώρου,
 δεινὸν δερκομένην ¹⁰⁹. ἐπὶ δὲ βλοσυροῖο μετώπου
 δεινὴ Ἔρις πεπότητο χορῆσσουσα κλόνον ἀνδρῶν.

quam ad Agamemnonis clipei descriptionis illius (Il. XI, 36) imitationem confectam esse tanquam in oculos incurrit. Quam illud quoque cum Homericis illis descriptionibus commune habere existimo, quod praeter eam nihil in scuto conspici voluerit poeta; ipsa enim non est una imago, sed e duabus composita, quarum prior medium in scuto locum tenet; quamobrem cum nulla alia quae praeterea descripta sit imagine coniuncta potest cogitari. Quippe ambitu quoque et genere descriptionis a ceteris omnibus differt. Haec igitur descriptio si revera ad nostrum Herculis scutum ab initio pertinuit, non potest aliter iudicari nisi eam solam

108) De hisce et similibus nonnullis descriptionibus Homericis non recte iudicasse mihi videtur Müllerus p. 619; nam cur hic ab ipsa vulgari vocabulorum significatione recedatur, equidem iustam causam desidero.

109) Haec verba δεινὸν δερκομένην videri possunt servata esse in versu illo 100 quem supra (adn. 102) spurium iudicavimus.

a poeta prolatam fuisse, imaginem autem praeterea nullam. Qua sententia quod brevissimam ab initio fuisse statuo scuti descriptionem, pluribus argumentis mirifice me adiuvari mihi videor. Nam ut primum de poetica ratione dicam, illud iam Heynius ¹¹⁰ olim perspexerat, cum hanc descriptionem cum Homericā Virgillianaque compararet, prorsus deesse in carmine nostro tam copiose describendi clipei idoneam causam. Apud Homerum enim novā perficienda sunt arma eorum loco quae Patrocli morte amissa erant, quamobrem aptissime fieri dices quod splendide describantur; apud Hesiodum autem Hercules, qui iam dudum est armatus, ad Ceycem Trachinis regem profecturus hanc cum Cycno pugnam ex inopinato ¹¹¹ suscipit in itinere. Deinde iam antea vidimus Homerum scitissime descriptionem ita instituisse ut narratio non esset intermissa; cum apud Hesiodum prorsus obliviscamur ipsius narrationis in describendo clipeo; id quod in breviori descriptione minus molestum est. Porro si tempus consideramus quo carmen nostrum compositum est, quo scimus Graecorum artem eos iam habuisse progressus ut facile cognoscere posset aliquis quae perfici possent, quae non possent, vix nobis persuademus descriptionem carmini insertam esse artificii quod a nullo homine perfici posset. Postremo ne illud quidem mihi prorsus neglegendum esse videtur, quod in eis vasculorum imaginibus, quibus Herculis et Cycni pugna repraesentatur ¹¹², quorum pictores sine dubio carmen Hesiodium cognitum habuerunt, nusquam videmus Herculis scutum insigniter exornatum. — Ad huius igitur imaginis imitationem composita altera his versibus ut puto comprehensa erat

ἐν δ' ἦν Γοργεῖη κεφαλῇ, δεινοῦ πελώρου,
 δειρὸν δερκομένη· ἐπὶ δὲ βλοσυροῦ μετώπου
 Γοργεῖον ἔδονεῖτο μέγας φόβος· οἱ δ' ὑπὲρ αὐτῆς
 ἄνδρες ἐμαρνάσθην πολεμῆϊα τεύχε' ἔχοντες

ubi iam remotas accipimus difficultates illas quas supra (p. 41) his versibus eam ob causam inesse cognovimus quod haud perspicue eis introduceretur duarum urbium descriptio. Scilicet diversissimum erat consilium imitandi brevem illam Gorgonis imaginem ab

110) Heyn. ad Virg. Tom. III. p. 715. Cf. Schlichtegroll. p. 133. Ranke p. 336.

111) Cf. vs. 353. Diodor. IV. 37. Apollod. II. 7. 7.

112) Gerhard auserl. Vasenb. tab. 120 sq.

eo, quo duarum urbium descriptio conficeretur; neque crediderim haec unum poetam ita composuisse; sed postquam brevioris illius et prioris descriptionis loco haec altera substituta esset, huic ab alio quodam duarum urbium descriptionem additam esse, qui primum versibus 239. 240. breviter significaret de urbe obsidenda pugnari¹¹³, deinde cetera adnecteret usque ad versum 280, quibus tota scuti descriptio terminaretur. De huius autem descriptionis cum Persei imagine contunctione videor mihi nonnulla haud inutiliter addere posse. Additam enim eam fuisse primum imaginum illarum seriei quae quattuor versibus comprehensae fuerunt, igitur versui 222, quo genuinam Persei descriptionem terminatam fuisse cognovimus, luculentum mihi vestigium praebere videtur versus ille 223

πάν δὲ μεταφρεῖον εἶχε κάρη δεινοῖο πελώρου

quo ipso de Gorgone exponitur hoc sane loco ineptissime, cum Gorgonis caput in pera reconditum sit. Videtur igitur is, qui duas Persei imagines illo versu coniungeret, eo commotus hoc fecisse, quod hoc ipso loco antea Gorgonis commemorationem legisset. Nunc vero cum in alterius Persei descriptionis fine addenda ei videretur Gorgonis et urbium descriptio, eo modo hoc instituit quo nunc legimus, scilicet ut ex ipsa Gorgone, quam post vs. 223 repetere non posset, Gorgones efficeret Perseum persequentes. Ab eodem autem homine urbium descriptionibus additae videntur istae Kerum curruumque certaminis descriptiones, id quod mihi e similibus initiorum formulis, ταὶ δὲ μετ' αὐτόν 229, αἱ δὲ μετ' αὐτούς 248, πὰρ δ' αὐτοῖς 305 colligi videtur. Praeterea omnium postremam Oceani imaginem (314—317) huc referendam puto. Quam quidem statim intelliges Homero deberi, apud quem in ipsa scuti descriptione XVIII. 607 Oceanus marginem circumdare dicitur,

ἐν δ' ἐτίθει ποταμοῦ μέγαν ῥόον Ὠκεανοῦ

ἄντυγα πὰρ πυμάτην σάκεος πύκα ποιητοῦ.

Quod quamvis intellexeret Lehrsius tamen hanc imaginem inter eas connumeravit quibus genuinam scuti descriptionem suam effici putavit, facile eam in communem usum abisse arbitratus. Velim artis opera aliorumve poetarum descriptiones indicasset quibus hoc efficeretur; apud Homerum certe huius imaginis propria quaedam

113) Versibus ad eorum similitudinem expressis qui II. IX. 529 sq. leguntur

est vis non ad alia cuiusvis generis transferenda¹¹⁴. Videtur autem mihi quaestio de huius imaginis cum superioribus coniunctione a describendi generis consideratione pendere; quo quidem ab omnibus quae in priore descriptionis parte leguntur maxime distat. Afferuntur enim in ea quibus artis et imaginis cogitatio prorsus relinquatur, ἀερσιποταί, μέγαλ' ἤπυον 316; deinde primis verbis ἀμφὶ δὲ pro ἐν δὲ se ab illis diversam praebet¹¹⁵. Iam suspicari posses, in eo exemplari ubi imaginum illa series quattuor versibus comprehensarum scripta fuisset, a posteriore manu hanc esse additam; ipsa enim quattuor versibus constat. Verum sunt tamen, quibus similior esse appareat haec imago; partes illas volo significare quibus duarum urbium descriptionem primo auctam esse volui, Kerum descriptionem et curruum certaminis. Cum his enim Oceani imago primum eo convenit, quod olores canere dicuntur contra imaginis naturam, (cf. vs. 249. 309), deinde quod formula quibus olores proferuntur, οἱ δὲ κατ' ἀπὸν, eis similima est quas in illis habuimus (229. 248. 305). Itaque ab eodem homine et illa et Oceani imaginem profectam puto.

Haec autem omnia quam incommode cum Persae imagine coniuncta essent, cum nescires quomodo haec omnia supra Gorgonum capita representata cogitarentur, erant quos non fugeret; cuius rei vestigia mihi in eis superesse videntur quae versibus 230—236 de Gorgonibus exponuntur. In quibus plurima sunt quibus offendas illaque omnia ab uno poeta scripta esse neges. Primum sub Gorgonum incessu resonare scutum dicitur; quod contra naturam est et ridiculum. Deinde in zonis habere serpentes dicuntur; quod primum artis monumentis non convenit, ubi in capitibus quidem, in zonis vero nunquam serpentibus cinctae sunt; deinde non poterat ab eo addi, qui iam a forma Gorgonum ad incessum earum transierat. Quibus cum accedat primum insulsa soni significatio 232 μέγαλφ' ὄρμαγδφ' ὄρεα καὶ λιγέως, deinde nimis copiosa neque naturae conveniens draconum descriptio 235. 236., postremo ter

Κουρήτες τ' ἐμάχοντο καὶ Αἰτωλοὶ μενέχαρμοι
ἀμφὶ πόλιν Καλυδῶνα, καὶ ἀλλήλους ἐνέριζον,
Αἰτωλοὶ μὲν ἀμυνόμενοι Καλυδῶνος ἐραννῆς,
Κουρήτες δὲ διαπραδέειν μεμαῶτες Ἀργί.

114) Welcker p. 368.

115) Formulam πλῆθοντι τοικῶς ab Homero sumere potuit, Il. V. 87.

eodem versus loco repetita verba ἐπὶ δέ 231. 233. 236., certissime mihi hic cognosci videtur triplex recensio. Atque prima horum forma sine dubio haec fuit

229. ταὶ δὲ μετ' αὐτὸν

Γοργόνες ὑπλητοί τε καὶ οὐ φατοὶ ἔρρωδοντο
καί μιν μαπέειν· ἐπὶ δὲ δεινοῖσι καρήνοισι
Γοργείοις ἐδονεῖτο μέγας φόβος· οἱ δ' ὑπὲρ αὐτῶν
ἄνδρες ἐμαρνάσθην πολεμῆϊα τεύχε' ἔχοντες etc.

ubi cum abesse vellet aliquis omnia, quae ad novas imagines pertinerent, ipsaque Persei imagine descriptionem terminare, hoc modo illud effecit

ἴεμεναι μαπέειν· ἐπὶ δὲ χλωροῦ ἀδάμαντος
βαינוυσέων ἰάχεσκε σάκος μεγαλῷ ὀρμαγδῷ.

mirum sane commentum illis addens, quod eo ineptius est, quia non tam solum resonare dicitur (hoc enim responderet eis quae vs. 219. 309. etc. proferuntur) quam ipsius scuti materia. Huic autem simillimum est illud quod huius descriptionis initio vidimus proferri (p. 25), ubi Perseus non dicitur in aëre volitasse, sed ipsum scutum pedibus haud attigisse. Hi igitur loci cum eo inter se conveniant quod in eis non simpliciter quod contra naturam sit proferatur, sed, quo magis mira res appareat, ipsius scuti mentio simul iniciatur, videntur ab eodem homine conscripti esse. Ab alio rursus finem descriptioni hunc impositum fuisse puto

ἴεμεναι μαπέειν· ἐπὶ δὲ ζώνησι δράκοντε
δορὶ ὑπὸ πηρωρεῦντ' ἐπικνωρόντε κάρηνα.

quae cum sequentibus ab initio coniuncta esse non potuisse ex incommoda verborum κάρηνα et καρήνοισι repetitione 234. 236. colligi mihi videtur.

Iam ad primam omnium imaginem redeundum erit. In qua cum viderimus post versum 150 de dentibus expositum fuisse similibus eorum verbis quibus infra vs. 164. 165. (τοῦ καὶ ὀδόντων μὲν —), ubi tamen quae de Eride dicerentur nunc v. 147. 148., postea addita essent habenda; vix aliter statui posse videtur quam hoc etiam loco versus illos 164. antea scriptos fuisse

τοῦ καὶ ὀδόντων μὲν καναχῇ πέλεν, εὐτε μάχοιτο
Ἀμφιτρωνιάδης, τὰ δὲ δαίετο θανμιάτ' ἔργα.

quippe in eis quoque quae praecedunt prorsus eadem verba ab imitatore repetita esse videmus. Sed rursus horum quoque versuum propria quaedam est conditio, quae vetet quominus vere genuinam

huius imaginis nec potius antiquiorem quandam eius formam assecuti esse nobis videamur. In quibus illud primo obtutu perspicitur, inepte eos scriptos esse in imaginis descriptione, cum ad auditum pertineant; quod non recte Lehrsius prae ceteris admirabile duxisse iam supra monui; is enim quibus exemplis utitur ut hoc efficiat, ea nullius sunt momenti, cum non ex imaginum descriptionibus sumpta sint. Goettlingius scholiastam secutus hoc significari putavit, dentes ita factos cogitari ut moti strepitum ederent thysanorum instar; qualem strepitum recte monet Fuchs¹¹⁶ inter ceteros pugnae clamores haud admodum auditum esse. Sed quid multa? sumpta enim sunt etiam haec verbotenus fere ab Homero, qui de Achille dicit II. XIX. 365

τοῦ καὶ ὀδόντων μὲν καναχὴ πέλεν, τὸ δέ οἱ ὄσσε
λαμπέσθην ὥς εἴτε πυρὸς σέλας, ἐν δέ οἱ ἦτορ
δῦν' ἄχος ἄλγητον· ὁ δ' ἄρα Τρωσὶν μενεαίνων
δύσσετο δῶρα θεοῦ, τὰ οἱ Ἥφαιστος κάμε τέχων¹¹⁷.

Quae quidem in narratione nihil habent offensionis; in imagine autem qui posuit eos, is ostendit se imaginis cogitationem haud tenere. Hos igitur versus, qui primum a praecedentibus describendi genere differunt, deinde aliunde sumpta sunt, id quod de prioribus dicere non possumus, recte suspicamur ei imagini, quae harum antiquior fuerit, postea additos esse.

Iam videmus draconis et serpentum imagines multo sibi invicem ab initio similiores fuisse quam nunc leguntur; obstant solum in draconis imagine versus 145, in serpentum versus 166. 167., quominus plenam habeamus aequabilitatem. Duo versus quos postremo indicavi

στίγματα δ' ὥς ἐπέφαντο ἰδεῖν δεινοῖσι δράκονσι
κνάνεοι κατὰ νῶτα, μελάνθησαν δὲ γένεια

mihi et scribendi genere molesti et ipso argumento inepti esse videntur. Miris ambagibus enim dictum est ἐπέφαντο ἰδεῖν, στίγματα verbum veteriori poesi haud usitatum, postremo ipsi versus grammatico vinculo haud inter se coniuncti. Ad argumentum quod at-

116) De clipeorum imag. p. 9.

117) Scio hos versus in scholiis ad h. l. Homero abiudicari, sicut in editionibus nostris uncinis inclusi leguntur. Sed hoc non obstat quominus eis hominibus notos fuisse eos statuamus qui in carmine nostro operam male sedulam posperint.

tinet, videtur poeta aliquid addituros fuisse quod ad imaginis rationem pertineret; ubi recte materiam indicasset, colorem autem non apte significat cum non in pictura describenda versetur. Denique quod in fine demum descriptionis serpentum figura describitur, id quod alibi solet initio fieri, argumentis addendum; nisi forte inde quoque aliquid sumendum esse dixeris, quod in draconis imagine nihil quod eis respondeat invenitur, cum cetera verbotenus fere inter se conveniant. De versu illo 145

ἔμπαινον ὄσσοισιν πύθι λαμπόμενοισι δεδορκώς ¹¹⁸

ut dubitemus cum tam certa argumenta non adsint, satis tamen idonea quibus caveamus ne eius gratia dicamus draconis imaginem posteriorem esse. Nam primum haud commode ea quae de flectendo collo oculisque fulgentibus dicuntur non de ipso dracone, sed de φόβῳ eius praedicantur; deinde ipsa verba Homero deberi manifestissimum est, quae cum Il. I. 104. XIII. 474, tum in ipso loco illo unde versus 164. 165. petiti sunt similiter leguntur: τῷ δέ οἱ ὄσσε λαμπέσθην ὥς εἰ τε πυρὸς σέλας, unde colligere posses, eundem qui duos illos versus hic adscripsisset, hunc quoque versum inseruisse. Duarum igitur imaginum sibi prorsus fere aequalium ultra fuerit antiquior, ultra imitatione orta, vix pro certo statim potuerit. Sunt vero nonnulla quibus me commoveri fatear ut draconis imaginem antiquiorem habeam; primum quia simplicior est; solent enim imitatores argere et exornare quae imitentur; deinde, si ea comparamus quibus vs. 149 et 162 de terrore adspicientium exponitur, apparet priora illa multo magis esse rei de qua agitur propria et convenientia, quibus draco animum et sensum eximere pugnantibus dicitur; cum de serpentibus paulo incertius dicatur terruisse eas ἐπὶ χθονὶ φῦλ' ἀνθρώπων ¹¹⁹. Accedit postremo quod in serpentum imagine causam invenire licet qua eam imitatione confectam esse dicamus. Quae cum coniuncta inveniatur cum duabus istis imaginibus quas ad Homericæ Herculis baltei descriptionis similitudinem scriptas esse supra cognovimus (p. 44), mihi videtur veri

118) Versum a nonnullis male intellectum recte a Nonno, qui eum imitatur Dionys. XXV. 405., sic reddi potest

ἄψ' ἀνασεισέων θεμὰς αἰχλὸν, ὅτ' αὖ τε λῶσθαι
Μαιάνδρου κελάδοντος ἔλκε' ἰόος, ἔς δια γαίης
δοχμῶσας ἑλκυστὸν ὕδαρ σπειρηδὸν ἐθέλει.

119) Nota apud veteriores poetas formula, Il. XIV. 361. Theog. 356.

esse simillimum ab eodem poeta illam esse confectam eisque additam mediae imaginis loco, quam reliquae duae circumdarent duobus circulis. Conveniunt adeo prima eius verba cum primis aprorum pugnae verbis ita, ut eiusdem poetae manum hic facile agnoscamus,

ἐν δ' ὀφίων κεφαλαὶ δεινῶν ἔσαν

ἐν δὲ σὺν ἀγέλαι χλοῦνων ἔσαν.

Atque hic quidem etiam de Lapitharum pugnae imagine, quam supra vidimus cum ceterarum nulla commode conciliari posse, paulo certius mihi videor iudicare posse. Scilicet pugnae illa descriptio quam nunc legimus vs. 154 sq. sine dubio antea post aprorum pugnam sequebatur, sicut apud Homerum etiam fieri videmus. Huius igitur incertae pugnae loco ab alio quodam aut recitatore aut librario substituebatur Lapitharum et Centaurorum pugna e certorum artis operum notitia profecta¹²⁰. Et cum posteriores nihil eorum quae unquam ab aliquo in hac descriptione posita fuissent interire debere censerent, breviorum quoque illam pugnae descriptionem servarunt illi, qui totam hanc farraginem coacervarent, et post draconis imaginem loco ineptissimo intruserunt.

Iam de draconis imagine restat ut iudicium feramus, et quae ramus quibuscum ceterarum imaginum ab initio coniuncta fuerit. Est autem quae hic in disceptationem venire possit sola imaginum illa series quae Martis et Minervae imaginibus incipit, quattuor versibus comprehensarum; quibuscum si versum 145 genuinum habemus versuum ambitu convenire illam patet. Vellem etiam ceteris omnibus eodem modo cum illis congrueret; ubi tamen multa sunt quibus offendamus. Primum enim describendi genere ab illis diversa est; nam eorum quae aliquo saltem modo ad imaginis artisque rationem pertineant, hic nihil reperitur; sed breviter tantum descripto dracone ad terrorem transitur quem adspicientibus moturus sit. Hoc vero consilium ipsum mihi cum ceteris illis non bene conciliari posse videtur. Is enim qui imaginem describeret quam conspicientes a pugnando deterrerentur hostes voluit certe ut hanc praecipue, immo hanc solam conspicerent illi, haud vero praeterea alias quibus oblectarentur. Postremo si de imaginibus illis in scuto distribuendis, quaerimus, videmus draconis imaginem vix bene cum eis coniungi posse. In quibus cum quat-

120) Similiter eam Persei imaginis recensionem, quae artis operibus responderet, posteriorem esse statuimus p. 29.

tuor habeamus imagines paulo maioris ambitus, deorum chorum, portum, Martem in pugnantibus præsensem eodemque modo Minervam; unam deinde quae unius sola figura hominis consisteret, Perseum; haec non potest aliter cogitari nisi ut medium inter illas locum teneat. Draconis autem imago cum ipsa dicatur medium in scuto locum tenere, apparet ab illarum serie alienam esse eam. Iam cum aliud in tota descriptione nihil inveniatur cui illa coniuncta cogitari possit, nihil restare videtur nisi ut eam statuamus eo consilio conscriptam esse ut praeterea nihil scuto inesse diceretur; quod quidem duabus rebus mihi haud mediocriter adjuvari videtur. Ipsa enim descriptio ita comparata est, ut post eam statim narratio continuetur; nam verba illa quibus exponitur de eis qui cum Hercule pugnaturi sint, *οἵτινες ἀντιβίην πόλεμον Διὸς νῦν φέροισιν*, tum demum aptissime dici apparet, ubi statim ad pugnam narrandam pergitur; adest enim hoc ipso tempore qui cum Hercule pugnaturus sit. Deinde vero inter clipeorum signa frequentissimum fuisse draconem scimus ¹²¹, quem tamen ubi hoc modo repraesentatum videmus, praeter eum nihil aliud in scuto insculptum habemus. Hos autem dracones saepe videmus ita e scuto lingua porrecta prostantes ut facile intellegamus quod dicantur terrorem adspicientibus movere.

Haec omnia quae hucusque protuli si recte disputata sunt, coniunctam accipimus totam hanc scuti Herculis descriptionem ex integris quinque inter se diversis et a diversis poetis profectis descriptionibus, quarum singulae rursus diverso modo mutatae et auctae essent, donec postremo collectis forsitan omnibus undique exemplaribus in quibus diversi aliquid inveniretur ab uno quodam consarcinate exstrueretur haec congeries quam nunc legimus; id quod non multum ante Pindari aetatem factum esse iam supra monui. Quod negotium possitne eidem illi Cercopi Milesio tribui, qui hac ipsa aetate in ceteris quae Hesiodi nomine ferrentur poematis colligendis operam posuit ¹²², pro certo dici nequit. Illarum igitur descriptionum duae sunt breviores et propterea sine dubio etiam antiquiores, draconis descriptio (144. 145. 149. 150) quam procul dubio usitata clipeorum imagine commotus poeta scripsit, et Gorgonis quam pugna circumdaret (147. 148) imago Homeri imita-

121) Fuchs de clip. imag. p. 25. Welcker p. 574. Gerhard auserl. Vasenb. tab. 118. 208. Trinksch. tab. 2.

122) Cf. Ritschl Alexandr. Bibl. p. 54.

tionem orta. Huius vidimus similem imaginem imitatione ab alio quodam confectam esse, cuius vestigia v. 236—238 superessent; ei autem postea duarum urbium descriptionem ab Homero petitam additam esse; quae rursus unam scuti descriptionem efficerent. Accedunt duae paulo copiosiores, altera ad Homeri (Od. XI. 611) imitationem expressa, altera quinque illas imagines complectens quattuor quamque versibus descriptas, Martem (191. 192. 195. 196). Minervam (197—200) deorum chorum (201—203 med., 205 med. 206.) portum (207—209. 212.) Perseum (216. 220—222), quas sine dubio ita in scuto distributas esse voluit poeta, ut Perseum in medio positum ceterae circumdarent, in quibus Mars Palladi, portus deorum choro responderet ¹²³. Gorgonis autem au dracōnis descriptio fuerit antiquior, non pro certo diiudicare ausim. Verum hoc paucis demonstrare studebo, quod mihi verborum coniunctionem accuratius intuenti statuendum esse visum sit: eum qui primus hanc Herculis cum Cyeno pugnam narrasset, omnino scuti descriptionem nullam conscripsisse, sed simpliciter scutum inter cetera arma connumerasse. Totam enim hanc armaturae descriptionem versu 122 incipientem Heinrichius iam et Rankius (p. 346) cognoverunt verbotenus fere cum similibus nonnullis Homericis convenire, ut de consulto facta imitatione dubitari nequeat. Sunt autem quas hic significavi quattuor maxime Homeri descriptiones, duae brevissimae Paridis (Il. III. 330 sq.) et Patrocli (XVI. 130 sq.) armaturae, paulo brevior Achillis (XIX. 369 sq.), postremo distans ab illis et maiore ambitu et singularum quoque rerum diversitate Agamemnonis (XI. 17 sq.) ¹²⁴. Quarum duas illas priores potissi-

123) In hac postrema descriptione certa etiam indicia inveniuntur eius aetatis, cui haec omnia tribuenda esse vidimus, primum verba *διφρῶ ἐπεμβεβώς* vs. 195, ubi in veteriore poesi genetivus requireretur, *διφρῶν ἐπιβησόμενοι* Il. XXIII. 379, οὐδοῦ ἐπεμβεβώς Il. IX. 582. et in ipso carmine nostro v. 334. *διφρῶν ἐπεμβεβώς*; contra *πύργους ἐπεβῆς* Aesch. Sept. 315. Ad eandem vero aetatem correpta vocis *χαυσέην* prima syllaba v. 189. pertinet.

124) Conspiratio et in singulis verbis et in rerum ordine perspicitur. Cf. v. 122. *κνημίδας — περὶ κνήμῃσιν ἔθηνεν* verba in omnibus Homericis locis; v. 128. *δευτέρον αὖ θώρηκα περὶ στήθεσσιν ἔδυε* = Il. III. 332. XI. 19. XIX. 371.; v. 128 ensis, eodem loco similibusque verbis apud Homerum positus; quibus peractis noster de suo addit pharetram et arcum (129—134), commotus ut puto eo, quod apud Homerum ubi Hercules nominatur, ea est eius propria armatura, Il. V. 393. Od. VIII. 224. XI. 601. Nic

num respexisse nostrum ex eis verbis quibus galea describitur colligi videtur, v. 136

κρατὶ δ' ἐπ' ἰφθίμῳ κυνέην εὐτυχιον ἔθηκε,
quae apud Homerum tantum in brevioribus illis descriptionibus leguntur, II. III. 336. XVI. 137. Duabus vero maxime rebus Hesiodia descriptio ab hisce Homericis differt. Primum enim in eis clipeus non describitur, sed breviter tantum commemoratur (III. 335. XVI. 136).

ἀμφὶ δ' ἄρ' ὅμοιοις βάλετο ξίφος ἀργυρόηλον.
χάλκεον, αὐτὰρ ἔπειτα σάκος μέγα τε στιβαρόν τε.

Deinde trium quae postremo loco nominantur rerum apud Hesiodum habemus mutatum ordinem, cum apud Homerum post enses primum sequatur clipeus, deinde galea, postremo hasta. Iam diceret propterea hanc ordinem immutasse Hesiodum et in fine posuisse clipeum, quod eum copiosius descripturus fuisset; quod ut faceret, Agamemnoneae armaturae istis simillimae exemplo commotum esse, in qua non solum copiosiores haberemus scuti descriptionem, sed ipsam imaginem ei insculptam unde breviorum Hesiodi descriptionum alteram sumptam esse constaret, II. XI. 32.

ἄν δ' ἔλετ' ἀμφιβρότην πολυδαίδαλον, ἄσπιδα θούρην
καλήν, ἣν πέρι μὲν κύκλοι δέκα χάλκεοι ἦσαν;
ἐν δέ οἱ ὀμφαλοὶ ἦσαν ἑξήκοντι κασσιτέρωιο
λέκκοι, ἐν δὲ μέσοισιν ἦν μέλανος κυάνοιο.
τῇ δ' ἐπὶ μὲν Γοργῷ βλοσυρῶπις ἐστεφάνωτο
δεινὸν δερκομένη, περὶ δὲ δειμὸς τε φόβος τε.

Verum tamen hanc quam dixi ordinis computationem cognosci licet non esse censilio ipsius poetae factam sed a posteriore quadam manu inscite admissam; id quod certissime perspicitur si ea verba accuratius consideramus quibus a descriptione ad narrationem rursus transitur vs. 318 sq.

θαῦμα ἰδεῖν καὶ Ζητὶ βαρυκτύπῳ, οὗ διὰ βουλῆς
Ἐφαιστος ποίησε σάκος μέγα τε στιβαρόν τε,
ἀρσάμενος παλάμῃσι· τὸ μὲν Διὸς ἄλκιμος υἱὸς
πάλλεν ἐπικρατέως ἐπὶ δ' ἰππείων θόρος δέφρου etc.

tamen mihi versus 132—134 videntur subditiçi esse, quorum est ineptum et insulsum argumentum. Galeam rursus, enses et clipeum, quae apud Homerum secuntur, noster etiam similibus verbis (v. 135 = II. III. 336, XI. 41. XVI. 136 etc.), in eodem tamen ordine commemorat.

Postrema enim verba de scuto non recte dicuntur, de quo vibrando nemo unquam dixit. Contra de hasta apte usurparentur, de quo reapse in Homericis illis descriptionibus similiter adhibita legimus, II. XVI. 141.

τὸ μὲν οὐ δύνατ' ἄλλος Ἀχαιῶν
πᾶλλειν, ἀλλὰ μιν οἶος ἐπίστατο πῆλαι Ἀχιλλεύς.

cf. XIX. 388. Similiter in prioribus versibus offendimus, primum Vulcani commemoratione, quem potius initio descriptionis nominatum esse expectaremus; deinde nimia illa admirationis significatione in descriptione satis brevi; postremo verbis ἀρσάμενος παλάμῃσι. Quae cum sic at legantur de Vulcani artificio dicta sint, videmus tamen eorum similia rursus in Homericis descriptionibus de hasta usurpari; II. III. 338. ἔγχος - δ' οἱ παλάμῃσιν ἀρῇσιν, XVI. 139 τὰ οἱ παλάμῃσιν ἀρῇσιν. Voluit igitur sine dubio verbis ἀρσάμενος παλάμῃσι cum significari, qui arripere aliquid ita ut manibus apte conveniret. Quibus omnibus mihi argui videtur, versum illum 135 quod de hasta agitur, ab initio revera in fine armaturae lectum fuisse ante vs. 320 hoc modo

● εἴλετο δ' ὄμβριμον ἔγχος ἀκαχμένον αἰθροπι χαλκῷ
ἀρσάμενος παλάμῃσι τὸ μὲν Διὸς ἄλκιμος υἱὸς
πᾶλλεν ἐπικρατέως

ubi intellegimus etiam illud quod v. 135 ὄμβριμος scriberet poeta ubi apud Homerum legitur ἄλκιμος III. 338; sequebatur scilicet ἄλκιμος versu 320. Haec pro certo contendere ausim; illud paulo dubitantius addere, ab initio etiam clipeum nominatum fuisse ante galeam, ut Homericus ordo omni ex parte restitutus sit. Hic enim cum brevioribus illis descriptionibus Homericis non discessisse nostrum viderimus, suspicamur eum in ceteris quoque ad eius exemplum se conformasse; itaque ipsius scuti breviorē tantum commemorationem, haud longiorem descriptionem protulisse. Quod confirmatur eo, quod ipsa verba illa quibus in eis scutum ab Homero nominari vidimus, σάκος μέγα τε στιβαρόν τε, supersunt apud nostrum vs. 319; ubi inutiliter ea proferri concedes post copiosiorē descriptionem praegressam. Ea autem verba cum apud Homerum addita legantur ensis commemorationi, videndum est num in nostra quoque descriptione vestigia inveniantur similem ab initio fuisse coniunctionem. Scilicet ea quae apud nostrum de ense dicuntur, v. 128. sequitur pharetrae et arcus commemoratio ab Homero aliena; quam vix mihi persuaserim ab ipso poeta hic esse

insertam; sunt enim haec diversissima inter se armaturae genera neque recte uni eidemque homini tribuenda, quae ab Homero severo distinguuntur (cf. Il. XIII. 712). Horum autem gratia sine dubio verba quibus de ense exponitur, cum antea Homero similliora essent, sic immutata sunt ut ea nunc legimus, (ubi verba ἀρῆς ἀλκ-τῆρα non commode e v. 29 huc translata sunt). Quamobrem mihi quidem haec omnia a primo poeta sic exhibita esse videntur.

129 ἀμφὶ δ' ἄρ' ὥμοισιν βάλετο ξίφος ἀργυρόηλον

319 χάλκεον· αὐτὰρ ἔπειτα σάκος μέγα τε στιβαρόν τε.

136 κρατὶ δ' ἐπ' ἰφθίμῳ κυνέην εὔτυκτον ἔθηκε
δαιδαλέην, ἀδάμαντος, ἐπὶ κροτάφοις ἀρσενεὺν
ἦτ' εἶρυντο κάρη Ἡρακλῆος θείοιο.

135 εἶλετο δ' ἥμβρομον ἔγχος ἀναχμένον αἰθοπι χαλκῷ

320 ἀρσάμενος παλάμῃσι etc.

Supersunt in descriptione nostra tres versus de quibus nihil dixi, illos significo quibus de totius scuti materia exponitur vs. 141—143.

πῶν μὲν γὰρ κίχλῳ τιτάνῳ λευκῷ τ' ἐλέφαντι
ῥέλεκτρον θ' ὑπολαμπὲς ἔην χρυσῷ τε φαινωῷ
λαμπόμενον· κυανοῦ δὲ διὰ πτύχας ῥηλῆλαντο.

In quibus miramur praeter cetera de nimia materiarum varietate, quae cum sequentibus descriptionibus non commode conciliari possunt, sive de ipsis figuris eas accipias sive de superficie scuti. Nam quomodo figurae cogitarentur gypso aut elephante factae in clipeo, vix diceret; deinde in maiore illa descriptione v. 191 sq. ipsae materiae nominantur, in quibus tamen solum habemus aurum et argentum; cum in brevioribus ipsa brevitatis obstat quominus tantam varietatem nobis cogitemus. Ad superficiem si pertinerent, intellegendi essent circuli in quos ea divideretur singulis illis metallis facti; sed v. 143 πτύχας, id est circuli, simpliciter dicuntur κυανῷ factae esse. Voluerunt sane nonnulli πτύχας vocabulo laminas significari quae inter singulos circulos conspicerentur¹²⁵; hac autem notione vocabulum illud nusquam invenitur, quam Homerus voce οἶμοι exprimere Welckerus monuerat. Verba igitur illa cum explicari nequeant, corrupta sunt habenda; cuius rei duo praeterea mihi adesse videntur luculentissima vestigia, primum

¹²⁵) Lehrsius adeo κυανέας πτύχας dracones illos esse putavit, qui vs. 167. dicerentur κυανέοι κατὰ νότα.

vocis λαμπόμενον molestissima repetitio cum praecesserit ὑπολαμπές; deinde quod in materiis illis habuimus τίτανον; quod quidem scholiastae hoc loco dicunt esse gypsum, cum apud alios nihil significet nisi calcem (Lucian somn. 6 etc.). Videtur igitur mihi ut dicam quod sentiam, in voce τιτάνω latere κυανῶ, versus autem 143 additicius esse, quem olim iam Heynius spurium habuerat,

πᾶν μὲν γὰρ κυκλῶ κυανῶ λευκῶ τ' ἐλέφαντι
ἤλεκτρον θ' ὑπολαμπές ἔην χρυσῶ τε φαιινῶ.

Quos quidem versus sine dubio de circulis accipiemus, eosque cum singulis illis scuti nostri descriptionibus comparantes ab eo lubentissime profectos esse putabimus, qui Gorgonis imaginem descripserit. Scripti enim sunt ad eiusdem illius descriptionis, unde illa imago sumpta est, imitationem, scuti scilicet Agamemnonis II. XI. 32.

ἦν πέρι μὲν κύκλοι δέκα χάλκεοι ἦσαν.

ἐν δέ οἱ ὀμφαλοὶ ἦσαν εἰκόσι κασσιτέροιο.

λευκοὶ, ἐν δὲ μέσοισιν ἔην μέλανος κυάνοιο.

Eidem autem homini etiam qui praecedunt versus 139 sq. et vs. 318 tribuendi sunt, qui omnino genuinum descriptionis ordinem suo arbitrio mutaverit.

VITA SCRIPTORIS.

Natus sum **Hermannus Deiters** Bonnae a. d. V. Kal. Iul. anni **CIDIOCCCXXXIII** patre **Petro Francisco**, professore in hac universitate publico ordinario, matre **Emilia e gente Bausch**. Decimum aetatis annum agens gymnasium, quod in hac urbe **Ludovico Schopeno** moderante floret, adii, in quo per octo annos et ipsius Schopeni et aliorum praeceptorum egregia usus sum disciplina. Auctumno anni **CIDIOCCCL** maturitatis testimonio munitus inter huius almae academiae Rhenanae cives receptus sum, ubi cum per aliquod tempus, incertus de eo studio cui me totum darem, rebus philologicis et historicis operam dedissem, postremo ad iuris scientiam me conferre constitui. Per triennium igitur cum virorum clarissimorum, qui in hac universitate illam disciplinam tradunt, scholis interfuissem, aestate anni **CIDIOCCCLIV** dissertatione „de mancipationis indole et ambitu“ conscripta examinibusque superatis summos in utroque iure honore adeptus sum a viro cl. **Bauerbandio** tum temporis decano spectatissimo. Quibus peractis Berolinum me contuli, eis exercitationibus quibus iuris studiosi formari solent ad iudicandi facultatem sibi acquirendam operam navaturus; quam ob causam iure iurando interposito in auscultatorum numerum urbis iudicio Berolinensi adscriptorum receptus sum. Verum tamen cum haud multo tempore praeterlapso me ad haec negotia non satis factum esse sentirem, simul autem miro antiquarum litterarum artiumque studii desiderio afficerer: viam quam ingressus essem relinquere et ad philologiae studium reverti consilium cepi. Berolino igitur (ubi praeterea per menses hibernos anni **CIDIOCCCLIV** **Trendelenburgium** audiveram de psychologia docentem) relicta aestate a. **CIDIOCCCLV** Bonnam

reversus et academiae civibus denuo adscriptus a viro cl. Wutzero rectore tum temporis magnifico, per tres annos et dimidium scholis interfui virorum clarissimorum Brandisii Brunnii Cornelii Heimsoethii Iahnii Ritschelii Ritteri Schopeni Vahleni Welckeri. Singulari deinde Ritschelii et Welckeri benivolentia factum est ut in seminarium philologicum reciperer, cuius per annum et dimidium fui sodalis ordinarius. Quibus omnibus viris optime de me meritis gratias ago quam maximas. Cum singulari autem grati animi significatione hoc loco non possum non commemorare insignia Ottonis Iahnii erga me beneficia: cuius adhortatione consilio disciplina dicere vix possum quantopere sim in studiis meis adiutus et confirmatus.

Sententiae controversae.

- 1) *Antiquitatis Graecae Romanaeque studium omnis verae eruditionis fundamentum est.*
- 2) *Homeri Iliadis I. versum 97 sic emendandum esse puto:*
οὐδὲ καὶ πρὶν Δαναοῖσιν αἰκέει λοίγῶν ἀμύναι.
- 3) *Recte statuitur schola Hesiodia.*
- 4) *Stesichorus ille qui in scuti Herculis argumento Γ hoc carmen Hesiodo tribuisse fertur, non est Stesichorus Himereus lyricus.*
- 5) *Sophoclis Ai. vs. 406 sq. corrupta verba mihi ita emendari posse videntur*
εἰ τὰ γ' ἐμὰ φθίνει φίλοισι τοῖσδ'
ὁμοῦ πέλας etc.
- 6) *Aristoph. Acharn. 948 sq. sic emendo*
ἀλλ', ὃ ξένων βέλτιστε, συν-
θέριζε καὶ πρόβαλλ' ὅποι
βούλει φέρων
ἅπαντα συκοφάντην
eiusdem autem fabulae versus 1140. 1141 in unum contrahendos puto hoc modo
τὴν ἀσπίδ' αἶρον· χειμέρια τὰ πράγματα.
- 7) *Aristophanis Lysistrata et Thesmophoriazusae eodem anno actae sunt Ol. 92. 1. Lenaeis altera, altera Dionysiis magnis.*
- 8) *Xenoph. Hellen. I. 4. quae §. 13—17 de Alcibiade dixisse feruntur Athenienses, insiticia sunt.*
- 9) *Cic. de fin. I. §. 70 scribendum „quod et fieri posse intellegimus et saepe evenire videmus,“ eiusdem autem l. III. §. 46 pro „quorum omne bonum convenientia atque opportunitate finitur, nec plura paucioribus nec longinquiora brevioribus anteponent“ legendum est „quoniam — finitur. nec plura — anteponentur.“*
- 10) *Tac. Dial. c. 17. i. f. ante verba „ne dividatis saeculum“ intercidisse videtur itaque particula.*
- 11) *Dialogus de oratoribus Tacito immerito abiudicatur.*
- 12) *Musarum cultus origo non est ad fontium nymphas referenda.*
- 13) *Non recte qui de Musarum statu ad nostram aetatem perlatis disserunt singulis accommodare student nomina illa novem Musarum; neque enim eo consilio ab ipsis artificibus factae sunt.*
- 14) *Archaeologia non est philologia monumentalis.*
- 15) *Philologia et historia non sunt diversae inter se disciplinae.*



